



सानसेयारि "बड'सा" ख्रीरालाइयाव अमाज्यारि जिज्जो लोब्बा थानाय रायथाय, बरन्थाय, अल', अल'बाथा आरु दावबायारि थावनि, पार्क बाइदिनि सायाव लिबनाय लिबिदाँ दैथाय हर/ सानसेयारि "बड'सा" ख्रीरालाइयाव खेबखानानि फोस्रावगोन/

बड'सायाव लिबनायनि हुब्र खालाम, "बड'सा" ख्री नैथो, जौ बयबो आंगो खालाम/

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 9 January, 2025 Kokrajhar, BTC, Assam ★ Vol.-33, Issue No. 283 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

चिरांआव हाग्रानि मोसौनि उदखाराव साब्रै सुबुनि जोखोम

बिजनी, 8 जानुवारी: हाग्रानि मोसौनि गागलोबनायाव साथाम सुबुड जोखोम जादों। चिरांनि भारत-भुटान सिमा साखाथियाव थानाय बिजनी आबादिपाराआव जादों बे दुखु नांथाव जाथाया। जोखोम जानाय सुबु'फोरखौ आबादिपाराणि थागिबि पुर्निमा राय(50), ललिता सरकार(68), भावरगुरिनि थागिबि नजमुल आलि(30) आरु दासपाराणि थागिबि माहेर आलि(55) होनना सिनायथिनो होदों। जोखोम जानाय सुबु'फोरखौ फाहमथायनि थाखाय बिजनी महकुमा सिभिल देहा फाहमसालियाव लांनाय जादोंमोन नाथाय बांसिनै जोखोम जानाय आइजो पुर्निमा रायखौ साबसिन फाहमथायनि थाखाय काजलागवआव थानाय जेएसबि (□ 6 बिलाइआव)

गिबि मन्थि ड० हिमन्त विश्व शर्मा आरो मिरु मन्थि जेपि नाड्डाआ दरं जिल्लायाव दावबायहैदों

देहा, रंगौथि जौगाखां आरो गुदि बिथाजों लोब्बा थानाय बिथांखिखौ मिरु मन्थिआ मिबथिना लादों

दिसपुर, 8 जानुवारी: मिरु देहा आरो नख'र अन्साय बिफाननि मन्थि जगत प्रकाश नाड्डाआ आसामनि गिबि मन्थि ड० हिमन्त विश्व शर्माजों दिने भारत सरकारनि हास्थानाय जिल्ला हाबाफारि (एस्पिरेशनल डिस्ट्रिक्ट प्रग्राम) नि सिडव सायख' जानाय राइज्योनि दरं जिल्लायाव दावबायफेनानै जिल्लानि देहा खोन्देजों लोब्बा थानाय गुबुन फसंथानजों लोगोसे लुजाबाय थानाय आसाम रंगौथि मुलुगसोलोंसालि आरो लामा गुदि बिथाफोरखौ मिबथिना लायो। नायसनाय समाव मिरु मन्थिआ मंगलदै सिभिल देहा फाहमसालियाव लुजानो गोंना मोनसे गोदान क्रिटिकल केयार

मंगलदै सिभिल देहा फाहमसालियाव क्रिटिकल केयार ब्लकनि अथाइ खाम्पा गायसदों



ब्लकनि अथाइ खाम्पा गायसदो गहाइ मन्थि आयुष्मान भारत, देहा गुदि बिथा बिथांखिनि सिडव 23.75 कौटि रां बाहायनायजों लुजानो गोंना बे गोदान मुगानि बिथांखियाव गं 60 बिसिनानि खाबु थागोन। बे थांखिनि नोजोर जाबय इमार्जेसि आरो गोब्राव फाहमथाय सिबिथायनि खाबुखौ बांहोनानै ओन्सोलनि सरासनसा सुबु'फोरनि थाखाय गोजो थाखोनि देहा सिबिथायनि खाबुखौ रोखा खालामनाय। गोब्रावथार आरो जिड खानायाव अलखद गोना जानायफोरनो हेफाजाव होनो हानाय बायदि बे क्रिटिकल केयार ब्लक आव गोदान मुगानि (□ 6 बिलाइआव)

सा 30 लाइमोन दैदेनगिरिफोरा राइज्यो बेंगिरिखौ लोगो हमहैदों

राइज्यो बेंगिरिया दैदेनगिरिफोरखौ भारतखौ जौगा होनायाव मदद होनो गिदिर सिमां नुनो खावलायो



गुवाहाटी, 8 जानुवारी: 'भिक्षित भारत इयं लिडसं डायलग' नि बेनारनि सिडव राइज्योनि सा 30 लाइमोन दैदेनगिरिफोरनि मोनसे थान्दै हान्जाया दिने बेलासिआव राजभवनआव राइज्यो बेंगिरि लक्ष्मण प्रसाद आचार्यखौ लोगो हमहैयो। राइज्योनि गुबुन गुबुन जायगानि फरायसाफोरखौ लाफानाय थान्दै हान्जाया 11 जानुवारीखालि भारत मण्डपमआव मोनसे हाबाफारियाव बाहगो लानो थाखाय गोदान दिल्लीयाव थानो थियारि जादों। लाइमोन दैदेनगिरिफोरजों सावरायनायाव, राइज्यो बेंगिरिया हादतनि इयुनखौ महर होनायाव (□ 6 बिलाइआव)

मिरु मन्थि जे पि नाड्डाआ लकप्रिय गपिनाथ बरदलै ओन्सोलारि मेलेमारि देहा फसंथाननि बिजाब बाख्रि आरो फोरमायथि बिगियान मिरु बेखेवदों

दिसपुर, 8 जानुवारी: गिबि मन्थि ड० हिमन्त विश्व शर्मानि नुजाथिनायाव मिरुनि देहा मन्थि आरो नख'र अन्साइ बायदि बिफाननि मन्थि जगत प्रकाश नाड्डाआ दिने तेजपुरआव थानाय लकप्रिय गपिनाथ बरदलै ओन्सोलारि मेलेमारि देहा फसंथाननि बिजाब बाख्रि आरो फोरमायथि बिगियान मिरुखौ बेखेवनानै होयो। मख'नो गोनादि, बे फसंथानआ भारतनि बयनिखुडबो गोजामसिन मेलेमारि देहा फसंथानफोरनि गेजेराव गंसे आरो सा-सान्जा ओन्सोलनि सिमां



सारनि मेलेमारि फाहमथाय मिरु। मिरु सरकारा बे फसंथानखौ गोदानथि कालामनो आरो गोजो

मिरुया सायकायेट्टि, साइक'ल 'जि, सायकायेट्टिक नासि, निउर' साइन्स, लेब मेडिसिन बायदिनि गां 37,766 बिजाबफोरनि अनगायैबो गां 535 इ-बुक, जानेल, अनलाइ लाइसि बायदि मख'जाथाव बिजाबफोरजों वुंफवनाय। सोदांजानाय गोदान खाबुफोरा फसंथाननि रिचासं गोहोखौ मोनसे गोदान खारथाय होगोन। गुबुन फासंथि, मिरु मन्थिआ दिने लकप्रिय गपिनाथ बरदलै ओन्सोलारि मेलेमारि देहा फसंथाननि 11 थि बर्ड अफ (□ 6 बिलाइआव)

दुलाराय बर' फरायसा आफादनि 3 घन्टा होस्त्रिखावनायजों उदालगुरि सहरआ गोमखांदों

दिनैनि थाम घन्टायारि सोमावसारनाया जौनि गिबि एबा जागाय जेनाय सोमावसारनायसो: दिपेन बर'

उदालगुरि, 8 जानुवारी: मिरु दुलाराइ बर' फरायसा आफादनि बिथोन बायदिने दिने सोलौथाइ आरो बर' बिजोनि गोबांथार दाबिफोरखौ लानानै दिने राइज्योनि गुबुन गुबुन जिल्लाफोराव एबसुआ सुबु' खुदिसारनाय हाबाफारि बान्जायदों। राइज्योनि गुबुन गुबुन जिल्लाफोरजों लोगोसे उदालगुरि जिल्ला दुलाराय बर' फरायसा आफादनि बान्जायनायाव दिने उदालगुरि सहरनि बिखायाव थानाय बिष्णु



राभा कृष्टि संघ नब्बानाव 3 घन्टानि सुबु' खुदिसारनाय हाबाफारि लानाय जादों। उदालगुरि जिल्ला दुलाराय बर' फरायसा आफादनि बान्जायनाय बे सुबु' खुदिसारनाय हाबाफारिआ फुंबिलि 11 रिंगानिफाय जागायनाय बेलासिनि 2 रिंगानि बायदि (□ 6 बिलाइआव)

कक्राझारआव मोन 25 दफानि दाबिफोरखौ लानानै एबसुआ गोख्रों सोमावसारदों

सरकारआ बर बिजोनि सोलौथाइ मोन्थायखौ नासयनाय दोन्दों: खोरोमदाव वारी

कक्राझार, 8 जानुवारी: गुनत्सब फोबोनि गेजेरावनो दिने बर' बिजोनि गुबुन गुबुन जेनाखौ सुखानायजों लोगोसे गासे मोन 25 दफानि दाबिफोरखौ लानानै दुलाराइ बर' फरायसा आफाद एबसुनि बान्जायनायाव कक्राझारआव 3 घन्टानि सोमावसारनाय हाबाफारि खुंनाय जायो। कक्राझार सहरनि बड'फा गथ'सा पार्कआव खुंनाय एबसुनि बे सोमावसारनाय हाबाफारिनि गेजेरं बिटिआरनि गं 101 गोजो गेजेरारि फरायसालिखौ गोजोसिन गेजेरारि फरायसालिसिम फोजोखानाय, फोरेंगिरि थिसन्याय, बिटिआर गोरोबथानि 6.3 दफा बायदिने बिटिआरनि गासेबो सरकारि गनायथि जायै फरायसालिफोरखौ थाबेनो सरकारि (□ 6 बिलाइआव)



इन्जिनियारफोरनि फरामआ तिब्बतनि बान्दोखौ लानानै जिंगासिनाय फोरमायदों

गुवाहाटी, 8 जानुवारी: बावैसो सिमां तिब्बतआरि जौयेनाव सोमजिनय बाग्रिआव सा 125 निबो बांसिन थागिरिफोरनि जिड खहा जायो आरो गोबां सुबु'फोरा जोखोम जानायखौ दुखु मोन्नाय फोरमायनाय यारलु जांगवआव चीनजों बानायजानाय गिदिर दै मोब्लिव मावथांखिया गोजो गोखौथिनि बाग्रिनि जाहोनाव सानसे बायनानै बुलु'बुथुर हायेनाव खहा लाबोगोनखौ जिंगासिनाय फोरमायदों (□ 6 बिलाइआव)

54थि बेटालियान एसएसबि बिजनीनि बान्जायनायाव बेसेननाडै सुबुं फाहमथाय बादा खुदों



बिजनी, 8 जानुवारी: भारत-भुटान गेजेर हायुंआरि सिमानि रैखाथिनि थाखाय थिसनजानाय 54थि बेटालियन शास्त्र सीमा बल (एसएसबि)आ बिजनीनि सिमा आउट पस्ट पानबारि ओन्सोलआव सुबुं सम्पद जौगाथाय फेकाल्टि (अ.पि.डि.) नि दैदेन्यायव मोनसे बेसेननाडेगामि अ.पि.डि. बादा खुंनाय जादों। 2 नं बरपथार गामियाव (□ 6 बिलाइआव)

दुरामारिआव गामिनि राइजो राजाफोरा सा 6 मोसौ सिखावफोरनि न'-बां सावनानै होदों

मोसौ सिखावफोरखौ हमना होयोब्ला पुलिसआ हगारफिननायनि अजद दैखांदों राइजो-राजाफोरा



कक्राझार, 8 जानुवारी: कक्राझारआव गिबि खेबनि थाखाय खुदिरिखानाय राइजो-राजाफोरा सा 6 मोसौ सिखावफोरनि न'-बांखौ सावनानै होनाय जाथाया ओन्सोल नाडेनो गोजोन गैथे थासारि सोमजिहोदों। मोसौ खावनानै गावनि ओन्सोलजों लोगोसे हारिखौ मान गैथे खालामनायनि थाखाय दुरामारि ओन्सोलनि बाडइ सुबुं सानखो राइजो-राजाफोरा जथायै थांखि लानानै दिने मोसौ सिखावजों (□ 6 बिलाइआव)

आसानि बेरेखायै बिबुंथि होनाय दुर्गा हासदानि हेंथायै खुदिसारदों

सालबारि, 8 जानुवारी: आदिबाशि अन्साइ आरो जौगाखां गौथुमनि गहाइ मावफुं सोद्रीमा दुर्गा हासदानि हेंथायै खुदिरिखोदों दुलाराइ आसाम आदिबाशि फरायसा आफाद आसाया। आदिबाशि फरायसा आफादनि सायाव होनाय बिबुंथिनि हेंथायै खुदिरिखोदों फरायसा आफादा। दिने बाक्सि जिल्लानि सालबारि महकुमानि आवथायाव थानाय आसानि मिरुनि लेडइ आफादगिरि रजु तिर्कि आरो बासबारि दखरा आफादगिरि एसाउ हेमब्रमआ (□ 6 बिलाइआव)

मुसलपुरआव बाक्सि जिल्ला एबसुआबो 3 घन्टा खुदिसारदों

मुसलपुर, 8 जानुवारी: मिरु दुलाराय बर' फरायसा आफादनि बिथोन बादिने मैया बुधवार सानखालि आसामनि दाब-दाब जिल्लाफोराव जिल्ला एबसु जिल्ला एबसुआबो मुसलपुरनि दुर्गा मन्दिरनि सिथलायाव 3 घन्टा खुदिसारनाय हाबाफारि लानायखौ नुनो मोनो। बिथांमोना गोबां दाबि जैरै-बर'खौ आसाम जुडिसियेल सार्थिस आन्जादआव मोनसे आयदा महरै सोफादेरनाय, मिरु फोरेंगिरि रंगौथि आन्जादआव (सिटिडि) बर'खौ राव 1 महरै सोफादेरनाय, बर' बिजोआव गं 35 गोदान 'मडेल हाइ स्कुल गायसननाय, 101 बर' बिजोनि



गोजो फरायसालिफोरखौ जौगाहोनाय लोगोसे थिसननाय, फसंथानफोरनि थाखाय गोजोसिन गेजेरारि फरायसालियाव बेफोर जौगाहोनाय फोरेंगिरिफोर, बिटिआर

गोरुबथानि द'फा 6.3 खौ मावफु'नानै भेन्सार फरायसालिफोरखौ थाबेनो प्रभिनसियेलाइज खालामनाय, ज जानाय आसाम राइज्यो सरकारि फरायसालियाव बर' बिजोनि थाखाय लांदां सोलौथायारि मावख'गिरिनि मासिखौ थिसन्याय आरो आबुं खालामनाय, सोलौथाय बर्ड (ए.एस.एस.इ.बि.), सिगाडव गेजेरारि सोलौथाय बर्ड आसाम (एस.इ.बि.ए.), आसाम फराय बिजाब आरो पब्लिकेसनआव बर' बिजोनि थाखाय सासे सोलौथायारि मावख'गिरि थिसननाय, राइजो (□ 6 बिलाइआव)

सुजुगिरिनि खोलोम

आबाद मावनायाव आबादारिफ्रा सांग्रां जानांगौ

आधिकाल मोनफा आबाद दिखानाय

एबा मावनायनि थाखाय थि सम एबा बोथोरनि गोनांथि नांलिया। जायखि जाया समावनो मोनफ्रोम आबादखौनो मावनो एबा दिखानो हासै, मोनफा-मोननै फसलनि अनगा। गोदो बोसोर खालाव मोनफाल' आबाद मावनानै दिखानाय जायोमोन आरो बेजोनों बोसोरनि जानाय आदार, थाव-संखै-फानलु, गान्नाय-जोमनाय, गथ'-ग'थायनि फरायनायखौ फोलोमसे फोलोमनानै फुरायनांगौ जायोमोन। जाउनाव गोबाडानो नख'र सामलायनायाव जेना नुजाथिनाया बयनावबो नुजायोमोन। गोदोनिल' बाश्रा नडा आथिखालावबो आबादजोल' गासैखौबो सामलायनांगौया गोब्राबसै। नाथाय आथिखाल गोबां रोखोमनि फसल जिने दाननि गेजेरावनो मोनफा नडा मोनफा आबाद मावनानै दिखानो हानाय जेनि गोनोखोगिरिफ्रा दिहुनबाय। बाडाइ सम आरो गोबां दिहु नथाय गोनां बेफोर फसलजोनों जोनि आबादारिफ्रा गोबां फिथाय मोनो हानाय जाबाय आरो मुलाम्फाबो आर्जिनो लामा मोनसै। गोनोखोगिरिनि बे दिहुनथायानो बाडाय सम आरो एसेल' हायावनो गोबां बिबांनि फसल दिहुननायाव मदत खालामबाय। जायनि थाखाय आथिकालाव आबादारिफ्रा मोनफा नडा मोनफा आबाद दिखानानै आंखाल फोलोमनायनि लामा मोनबाय। मेसेंनि मेसें, दैज्जानि दैज्जानि गोबां रोखोमनि आबाद मावनो आरो दिहुनो हासै।

नाथाय सम सम मिथिंगायारि अलखदआसो आबाद दिखानायाव आबादारिफोरखौ बाइदिसिना बिथिनि जेनायाव खोखलैनानै आंखालजो आन्दायहोनानै जुब्रा खालामो। नोजोर खालामथावदि थांनाय दैज्जानि बोथोरनि आबाद गाइनांगौ-फुनांगौ समाव मिथिंगायारि खैदां रानस्राव बोथोर नुजाथिनाया जायगा जायगा माइ आबाद दिखानायाव गोबां खहा खालामनानै होदों। जाउनाव माइ आबादनि सायाव सोनारनानै जिउ खुंया आबादयारिफोरनि गोबांखौनो जालायाव खोखलैदों आरो आंखाल खालामनायनि लामा लादों। आबादयारिफोरनि बे आंखालखौ फोलोमनो सरकार बिथिनिफ्राय बाइदिसिना रोखोमनि मदत होनायनि गोनांथि दं, जायनि गेजेरजों बिसोरबादि आबादयारिफ्रा थांनानै थानायाव जुब्रा जानाड। नाथाय सरकारनि बेफोर मदतफ्रा आबादारिफोरनि आंखाल फोलोमनो थोजासे नडा। बेखायनो मदतजों लोगोसे गावनि फासैबो गोखों फोथायनाय लानाय गोनांथार।

दिनैनि फान्जामुथि

राशि बाइदियै मुनि गिबि हांखो

मेघः अल बुधः ऊब (उ ए इ) मिथुनः क छ (ड घ) कर्कटः ड ह सिंहः म ट कन्याः प ट (ण ष) तुलाः त र वृश्चिकः ब न धनुः ध भ (ङ फ) मकरः ख ज कुम्भः ग श (स) मीनः द च (ख ज झ)

- मेघः** बे राशिनि थाखाय मोजां सान। माबा मोनसे मोननायनि सुजुग-सुबिधा दड।
- बुधः** नख'रनि खरसा खालामनांगौआ बांगोन। सोखाफोर आलासि फैनो हागौ। मोजां सान।
- मिथुनः** गोसोखौ मानोबा गोजोन गैयै मोनो हागौ। गोसोखौ हमथानानै थानाया गाहाम।
- कर्कटः** जेखियानो बादया देरहासर जानो हागोन। बे राशिनि थाखाय मोजां सम।
- सिंहः** मोजां रोंग'थिनि थाखाय मान बाउजानो मोनगोन। मानजों लोगोसे बाथाबो मोनो हागौ।
- कन्याः** जेखि मावा मानो हेंथा मोनो हागौ। सानाया जाफुनाय नडा।
- तुलाः** सोरजोंबाफोर सोमोन्दो गावस्त्रालायनाय जानो हागौ। जेखि जाया गोसोखौ हमथा।
- वृश्चिकः** मानिबा केसफोर दडबा सुस्त्रांजानायखौ मोनो हागोन। गोसोखौ गोजोन मोनगोन।
- धनुः** मानिबा थाखाय रं खरसा खालामनांगौआ बांगोन। थाखानाय रंआ जोबस्रांगोन।
- मकरः** जेबो जेना-जेंसि गैयै शान्तिथै थानो हागोन। फारफ्रोमिथिबो मोजां।
- कुम्भः** फालांगि मावनायाव रं खहा जानो हागौ। जेखि मावा सांग्राडे मावनांगोन।
- मीनः** जेखि खामानिखौनो मावा गोजोनायखौ मोननाय नडा। गोसो हमथानानै था।

गाहाइ मन्थि मदिआ दिनै अन्ध प्रदेश-उरिष्या दावबायहैगोन

गोदान दिल्ली, 8 जानुवारी: गाहाइ मन्थि नरेन्द्र मदिआ दिनैनिफ्राय सानैनि थाखाय अन्ध-प्रदेश आरो उरिष्या दावबायहैगोन। बेयाव गुदि बिथा जौगाखानायनि थाखाय मोनसे गिदिर थांखि महरै मदिआ 8 जानुवारीखालि बेलासिनि 5:30 रिंगायाव भिशाखापत्तनमाव 2 लाख कौटि रनिखुइ बांसिन बिथांखिफोरखौ हादतनो गथायगोन, बेखेवगोन आरो अन्थाइ खान्फा गायसनगोन। बेनि उनाव बियो 9 जानुवारीनि फुनि 10 रिंगायाव



भुवनेस्वरआव 10थि पिबिडि मन्थि मदिआ अन्ध प्रदेशआव जथुम्माखौबो बेखेवगोन। गाहाइ ग्रीन एनार्जो आरो मोजां इयुनि

आसामनि गिबि मन्थि शर्माआ दिल्लीआव माखासे हादतफोरनि राजथान्दैफोरजों लोगोसे हमदों



गोदान दिल्ली, 8 जानुवारी : आसाम सरकारनि फासैनिफ्राय गुबुन हादतयारि इन्धेस्टमेन्ट खालामग्राफोरखौ गोसो बोनो आरो गुबुन हादतयारि दावबायारिफोरनि गेजेराव आसामखौ फसनाय थांखिजों थांनाय मंगलबारखालि गिबि मन्थि हिमन्त बिश्व शर्माआ गोदान दिल्लीयाव माखासे हादतफोरनि राजथान्दैफोर आरो हाइ कमिसनारफोरजों लोगो हमो। बेनि उनाव हिमन्तआ फोरमायोदि, बे जथुम्मायाव दर 37 हादतफोरनि राजथान्दैफोर बाहागो लायो आरो बिसोरनो आसाम आरो सा-सान्जा ओन्सोलनि सोमोन्दै फोरमायो।

बाहागो लागोन। आसामनि सिएमआ फोरमायोदि, भारतनि एक्ट इस्ट नेम-खान्थिनि गेजेरजों आसामा खोला-सान्जा एशिया हादतफोरनि थाखाय मोनसे गेटवे बायदि। बे ओन्सोला न'सुंसे हादतफोरजों लोगोसे हेफाजब खालामनानै इन्धेस्टमेन्ट आरो सिमना गैयै खामानिनि खाबु सोमजिहोनो हागौ। आसामा मोनसे इमाजिं रंखान्थि गोहो महरै गावनि सिनायथि होगासिनो दं। दिनैनि जथुम्माया बे आयदाखौ आवगायहोगोन। हिमन्तआ फोथायनाय होदोंदि, जाय कम्पनीया आसामाव फैनो गोनां ग्रीन इनाजिखौ जगायना होगोन। बिथाडा आसामनि रेखाथि सेक्टरनि थाखाय भारत सरकारजों लोगोसे सावरायगासिनो दं। बे जथुम्मायाव सिंगापुर, अस्ट्रेलिया, इपरीय संघ आरो खोला-सान्जा एशियानि हादतफोरनि राजथान्दैफोर गाहायै बाहागो लायो।

कलेजियाम सुप्रिम कर्टआ गुवाहाटी हाइकर्टआव अरायथा मासिफोरनि थाखाय सानै उफ्रा बिजिरगिरिफोरनि आरज गाबदों

गुवाहाटी, 8 जानुवारी: सुप्रिम कर्ट कलेजियामआ आसामआव गुवाहाटी हाइ कर्टनि सानै उफ्रा बिजिरगिरिफोरखौ अरायथा बिजिरगिरि महरै थिसनो आरज गाबदों। बे बिजिरगिरिफोरनि मुडा गाहाइ बिजिरगिरि करदक एट आरो मृदुल कुमार कलिता। थांनाय 1 जानुवारिसिमआव गुवाहाटी हाइ कर्टआ सा 24 बिजितगिरिफोरजों लोगोसे हाबा मावगासिनो दड। आथिखालाव गुवाहाटी हाइकर्टनि गनायथिनाय अन्जिमआ सा 30, जायफोरनि



मादाव मोन 6 मासिफोर लांदां जानानै दड। बे जौगाखानायजों ओन्सोलाव जेनाफोरखौ फोजोबस्रांनो आरो बिजिरनायखौ गोखों खालामनायाव मदद मोननायनि मिजिं दड। मख'नो गोनांदि, उफ्रा। बिजिरगिरिफोरखौ अरायथा बिजिरगिरि महरै थिसनाय थांखिखौ 2025 नि 7 जानुवारिआव पास खालामदोंमोन।

मणिपुरनि राइज्यो बेंगिरिया कुकि-ज' दैदेनगिरिफोरजों लोगो हमदों



इम्फल, 8 जानुवारी: राइज्योआव कुकि-ज' फोलेरनि साबसिन राजखान्थि आफाद कुकि-ज' काउन्सिलआ चुडाचान्दपुर जिल्ला गाहाइ मावख'आव मुणिपुरनि गोदानै थिसनजानाय राइज्यो बेंगिरि अजय कुमार भल्लाजों लोगोसे जथुमा

हान्जाफोर थिसननायजों लोगोसे मख'जाथाव आयदाफोरखौ थिसनानै बिसोर गांसे गोसोखां बिलाइ गथायो। बेनि अनगायै परिषदआ गोनांथि होनानै बुडोदि, मिरु सरकार आरो सास्पेन्शन अफ अपारेशन (एसअअ) हान्जाफोरनि गेजेरजों राजखान्थियारि सावरायनायाव गोखैथि लाबोनांगौ। बियो भारतआरि संबिजिरनि आर्टिकल 239 (ए) नि गेजेरजों मोनसे आलादा खुंथाइ- कुकि-ज' सुबुंफोरनि थाखाय सासे आइजो एमएलएजों लोगोसे दरसे मिरुजों खुंजानाय

लिमिटेडनि ग्रीन हाइड्रोजेन हाब बिथांखिनि अन्थाइ खाम्फा गायसनगोन, जाय महारियारि ग्रीन हाइड्रोजेन मिशननि गेजेरजों गिबि ग्रीन हाइड्रोजेन हाब। बे बिथांखियाव गासै 1,85,000 कौटि रनि इन्धेस्टमेन्टआ दंफायो। बेयाव 20 गीगावाट इन्धेस्टमेन्ट खालामनाया थाफागोन, बेयो भारतनि बयनिखुइ देरसिन ग्रीन हाइड्रोजेन दिहुन्थाय सुबिधाफोरनि गेजेराव मोनसे जागोन, जेराव 1500 टिपिडि ग्रीन हाइड्रोजेन आरो 7500 टिपिडि ग्रीन हाइड्रोजेन लेडाइ-दिहुन्थाइखौ दिहुन्नायनि गोहोयाबो थागोन। गाहाइ मन्थि आ अन्ध प्रदेशआव

मणिपुरनि थौबलआव रैखाथि हान्जाफोरा दोनखुमानाय हाथियारफोरनि गिदिर बाखि बोखानो हादों



इम्फल, 8 जानुवारी : भारतीय सांथि आरो मणिपुर पुलिसनि मोनसे जुथाइ हाबाफारियाव खोला-सान्जा थौबल जिल्लायाव मोनसे लांदां जायगानिफ्राय हाथियारफोरनि मोनसे गिदिर बाखि बोखानो हादों। संगालि खौरां मोननायाव

अपारेशनआव दावहायाव बाहायग्रा बेसादिनि गिदिर बाखिखौ सोरांआव लाबोनो हादों। बोखानो हानाय बेसादफोरव मेगजिनजों लोगोसे गंसे 9 मि:मि: पिस्टल, पमि बन्दक, थरनै 36 एचइ हेल्ड ग्रेनेड, मोनसे डेटेनेटर, थरनै टियार गेसनि गुलिआबो दंफायो। बेनि अनगायैबो टीमआ मोन 13 रउन्ट गुलि बारुद, गंसे दुरबिन, गंसे चाज्रांजों लोगोसे मोनै रेडिअ सेट आरो 21 लांदों केसबो जव्द' खालामनाय जादों। जव्द' खालामनाय बेसादफोरखौ सोमोन्दोआव थानाय पुलिस स्टेशननि गाहाइ बिबानगिरिनो गथाइनाय जाबाय।

अस्रामा बिगियानगिरि भि. नारायणआ इसर'नि गोदान गाहाइ जासिगोन

गोदान दिल्ली, 8 जानुवारी : अस्रामा बिगियानगिरि आरो क्रायजनिक इन्जननि जर्'खागिरि भि नारायणआ इसर'नि गोदान गाहाइ जासिगोन। नारायणआ इसर'नि थाखानाय गाहाइ एस समनाथनि जागाय लागोन। समनाथआ फेंगौ 14 जानुवारीयाव 2 बोसोरनि हाबा मावनाय समखौ आबु खालामनायनि उनाव आजिरा लागोन। समनाथआ थांनाय 2022 नि 14 जानुवारीयाव इसर'नि आफादगिरि आरो अस्रामा बिफाननि नेहाथारिनि बिफानआ सामलायदोंमोन। नारायणआ आथिखालाव तामिलनाडुनि महेन्द्रगिरियाव थानाय इसर'नि एलपिएससिनि बिथोनगिरि।



थांनाय मंगलबार खालि हराव फोसावनाय बिथोननि बायदिब्ला, नारायणनि बिथोनगिरि रकेच आरो अस्रामा यानआ प्रपल्शनव दं। बियो जिएसएलभि एमके-3 गारिनि सि 25 क्रायजेनिक प्रजेक्टनि बिथांखिनि बिथोनगिरिमोन। बियो 1984 आव इसर'आव हाबदों आरो मिरुनि बिथोनगिरि जानायनि सिगां गुबुन गुबुन मासिफोरव खामानि मावदों। 1989 आव बिथाडा आइआइटी-खड्गपुरनिफ्राय क्रायजेनिक इन्जिनियारिआव गिबि थाखोजों लोगोसे एमटेकखौ आबु खालामो आरो लिकुइड प्रपल्शन सिस्टेम्स सेन्टार (एलपिएससि) आव क्रायजेनिक प्रपल्शन ओन्सोलाव हाबो।

Name Correction
I, ANU BORO, aged about 52 years, W/O. Anandeshwar Boro, by nationality Indian, a resident of Mijing Nwgrw, W/No. 5 under P.O., P.S. & Dist:- Kokrajhar, BTR, Assam, PIN. 783370, do hereby solemnly affirm and declare as follow:-

- That, I am the bona-fide citizen of India by birth and permanent resident of above mentioned address.
- That, my actual / correct name and surname is ANU BORO, which is recorded in my Aadhaar Card, Vide Card No.- 3323 7812 4948 and other relevant documents.
- That, my husbands' actual / correct name and surname is ANANDESHWAR BORO, which is recorded in my Elector Photo Identity Card, Vide Card No.- HJL625996 and other relevant documents.
- That, in the Land Documents, covered by Dag No.- 4261, Patta No.- 978, situated at Kokrajhar Town under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as ANU RANI BRAHMA instead of ANU BORO.
- That, further in the same, wherein my husband's name and surname has been recorded as ANANDESHWAR BORO and ANANDISWAR BORO is the same and one identical person, who is none other but myself as well as ANANDESHWAR BORO and ANANDISWAR BORO is the same and one identical person, who is none other but my husband.
- That, this declaration is made by me as a piece of evidence and to submit it before the concerning authority for avoiding the confusion and also to rectify/correct regarding my and my husband's name and surname as stated above and for doing needful purposes accordingly. All the statements made herein above are true to the best of my knowledge and belief and nothing has been concealed therein.

Lost
I have lost my Original B.A. 6th Semester Grade Sheet bearing Roll No:- 201A033 and Registration No-001468/2015-16 under Bodoland University.
If anybody have found please inform to the following address.
Fungbli Basumatary
D/O- Lt. Jaliram Basumatary
Vill- Ranchaidham
P.O. Ranchaidham
P.S.- Basugaon
Dist- Kokrajhar
Pin- 783372

आसामआ दा निउयर्क टाइम्सनि टप 52 जायगाफोराव थाफादों

गुवाहाटी, 8 जानेवारी : सा-सान्जा भारतनि हाबग्रा दरखं आसामा दा निउयर्क टाइम्सनि '2025 आव थांनायनि थाखाय मोन 52 जायगाफोरनि फारिलाइआव थाफानायनि उनाव सोलिफु बोसोराव बेयाव दावबायारिफोरनि अन्जिमाखौ बांसिनाय नुनो हागौ। आहम राजाफोलेरनि गोजाम गोथैसालि चराइदेव मेडासनि गोजौ एडिनि सारियाव फेयो जायखौ इउनिस्कनि वलर्ड हेरिटेज महरे थिसन्नो थांगासिनो दं। आसामनि समायना आरो मुंदांखा साहा बागानफोर, काजिरडा नेशनेल पार्क जों लोगोसे जारिमिनारि जायगा, गं थसेल' गान्दाफोरनि थाग्रा खुलि दं, जायजों इन्टारनेशनेल टुरिस्टफोरनि मोनसे मख 'जाथाव अन्जिमा थिसन्नो मोनगोननि



आसा दं। गुवाहाटी उरां गाथोनखौ फु वारनायजों लोगोसे साबसिन गुदिबिथा, कानेक्टिभटि एबा फोनांजाबखौ आरो बे हारिमुयारि महरे मुंदांखा आरो गुबुन-गुबुन फोथारसिम गोरलैथै सौहेनो हानायनि सुबिधा होनायनि थाखाय खालामनो थियारि जाबाय। साबसिन उरां जाब्रबथाइ अप्सनफोरजों आसामा

जाय हादतनि गाहाइ हा बाहागोजों दोंसे दुरुंआव दिन्दांना थानाय बायदि। बे ओन्सोलाव बांसिन इन्टारनेशनेल गनायथि आरो फोनांजाबआ बांनाय मोनैखौबो नुनो मोनो। थांनाय बोसोर 2024 आव चराइदेव मइदाम्स एबा आसामनि पिरामिडखौ इउनेस्क 'नि वालर्ड हेरिटेज महरे फोसावनाया जादोंमोन।

बिष्णुपुर जिल्लायाव जर जुलुमै रां बोखांनाय दायआव प्रिपाक-पिनि केडारखौ ग्रेप्टार खालामदों

इम्फल, 8 जानेवारी: मणिपुर पुलिसनि जर जुलुमै रां लानायखौ होबथाग्रा हान्जाफोर होबथाजानाय पिपुल्स रिभल्युसनारि पार्टि अप कांलिपाक प्रेसिब (प्रिपाक-पि) नि सासे सन्देह खालामथाव केडारखौ मंगलबारखालि बिष्णुपुर जिल्लानिफ्राय ग्रेप्टार खालामदों। बिष्णुपुर आरो सुगनुनि खोला बाहागोफोराव जर जुलुमै रां लानायनि



हाबाफारियाव थाफानाय केडारखौ मंगलबार मोनाबिलिनि 6 रिगायाव सुगनुसिफाइनि मोनसे जायगायाव सालायनाय हाबाफारियाव ग्रेप्टार खालामनाय जादोंमोन। सुगनु मिरा पाइबिजजों लोगोसे माखासे भलन्टियार आफादफोर रैखाथि हान्जाफोरजों खोला मणिपुराव सन्देह खालामथाव जायगाफोरनि खाथियाव हाबाफारि सालायनो

खावलायदोंमोन, जाहाथे थांनाय माकासे सप्ताहनि गेजेराव बै जायगायाव जानाय फालागिफोर आरो सरासनखा सुबुंफोरनिफ्राय गोबां अनजिमायाव जर जुलुमै रां बोखांनायनि हाबाफारिखौ हेबथानो हायो। हमजानाय सुबुं आरो बोखांनो हानाय मुवाफोरखौ आयेनारि नायबिजिनारियनि थाखाय जायगानि पुलिस स्टेसनाव गथायनाय जाबाय।

दिमा हासावनि खैला खादानाव राहा गोथेनाय लेबारनि जिउ ख'हा

दिमा हासाव, 8 जानेवारी : आसामनि दिमा हासाव जिल्लानि उमरंसआव 300 फुट गोथै खैला खादानआ सा 9 लेबारफोर लामा गोथेना थानांदों। बिसोरखौ रैखा खालामनायनि थाखाय अपारेसन सालायनाय जादों, जेराव मिरुनि सान्थि हान्जाफोरखौ थिसनाय जादों। गोदान खौरांनि बायदिब्ला, उमरंस ओन्सोलनि 3



किल'आव थानाय बे खैला दिहुन्दों। अदेबानि अपारेसना खदाननिफ्राय सासे गोथै सह' सोलिगासिनो दं। मिबथिहोनाय

जायोदि, थांनाय 6 जानेवारीखालि खादानआव हरखाब दै हाबहैदोंमोन। लेबारफोरखौ बोखांनायनि थाखाय सालायनाय अपारेसनखौ मंगलबार मोनायाव दोन्थ'नाने बुधबार फुंआव जागायफिननाय जादों। रेस्कु अपारेसनाव भारतीय सान्थि, आसाम राइफलस, एण्डिआरएफ, एमडिआरएफ हान्जाफोरनि अनगायै गुबुन

लामा जाब्रबथायाव जोखोम जानायफोरा 1.5 लाख रांनि केशलेस फाहामथाय मोनगोन

गोदान दिल्ली, 8 जानेवारी: लामा जाब्रबथायाव जोखोम जानायफोरा हादतनाडै फेगौ मार्च दानसिमाव केशलेस फाहामथाय मोनसिगोन। मिरुनि मन्थि नितिन गाडकारीआ बुंदों, जायखि जाया लामायाव गारि-मटरजों जाब्रबथाय जायोब्ला जोखोम जाग्राफोरा 7 सानसिम सासेयाव मेक्सिमम 1.5 लाख रांसिम केशलेस फाहामथाय मोनगोन। मोनफ्रोम जाब्रबथायाव साफायै बेनि मुलाम्फाखौ मोनगोन आरो बे यजनाखौ गोहोम गोनां खालामनायनि बिबाना माहारियारि सानसि अटरिस्टि (एनएडिए) नि जागोन। फेगौ संसद जथुमाव मटर-गारि सोदानाय आइन

लाबोगोन होन्नाबो मन्थिआ बुंदों। मख 'जाथावदि, लामा हान्था-मेला आरो राजा-लामा मावख'आ 14 मार्च, 2024 आव लामा जाब्रबथायाव भुगिनांनयफोरोनो केशलेस फाहामथाय होनो थाखाय पायलट यजना जागायदोंमोन। बे यजनाखौ उनाव दर 6 राइज्योफोराव गोहोम गोनां खालामनाय जायो। फेगौ मार्चनिफ्राय बेखौ हादतनाडै गोहोम गोनां खालामनायनि थियारि सोलिदों। मन्थि जाडकारिआ फोरमायदोंदि, 27

42थि हान्था-मेला जौगाखां परिषदिनि जथुमायाव लामा रैखाथिया गुदि महरे नोजोर होजादों। जथुमायाव बेखौबो थांखि लानाय जादोंदि, गारि बानायग्रा कम्पानीफोरा जाय-जाय गिदिरि गारि एबा बास, ट्राक फोरखौ बानायगोन, बेयाव मोनथाम रैखाथि टेक्निकफोर थाथारनांगोन। गोदान दिल्लीआव सान्नेनि हाबाफारिजों परिषदिनि जथुमाया मंगलबारवाव जोबना थाडो। गिबि सान एबा समबाराव दर 27

राइज्योफोरनि हान्था-मेला नेहाथारिफोर आरो हान्था-मेला कमिसनफोरजों लोगोसे मिरुनि लामा हान्था-मेला आरो राजा लामा मावख'नि नेहाथारि थि. उमाशंकरआबो जथुमायाव बाहागो लायो। बेनि उनाव नैथि सानाव मन्थि गाडगारिआव हान्था-मेला मन्थि फोरजों जथुमा खालामो।

भारत सरकार, रेलवे मन्थि आफाद
रेलवे थिसन्थाइ वरद (आरआरविपएस)

मिरुआरि थिसन्थाइ फोरावथाइ (सिडपन) नं. 07/2024
मिनिरटारियेल आरो आइसलेटेड केटेगोरिफोरनि गोबांथार मासियाव थिसन्थाइ

मिनिरटारियेल आरो आइसलेटेड केटेगोरि मासिफोरनि थाखाय गाहायनि टेबलआव होनाय बायदि गुन गोनां निजाथिफोरनिफ्राय आर 'ज विलाड हांखायसो। आर 'ज विलाड गथायनायनि जोबथा अवतः 06/02/2025। आर 'ज विलाडखौ (गारैआवबो) अनलाइनजौल 'गथायनो हागोन।

आर 'ज विलाड जागानाव अवतः : 07/01/2025
आर 'ज विलाड गथायनायनि जोबथा अवतः : 06/02/2025

मासिनि गुः	गुडि थिसिथि बायदिथे वेकेस	जागानाव पे (रु)	मेक्विल रून्ड	01.01.2025 सिमाव वेकेस	गारी मारि (गारी आरआरविपएस)
गुबुन गुबुन आयवनाय फेरु ग्रेप्टार फोरांनि	8	47600	C2	18-48	187
साइन्डिक चुपार भाइजार (इनिमिस आरे कोरेया)	7	44900	B1	18-38	3
गोबांथार आयवनायफोर कोरेयाइ मोनाय ग्रेजुएट फोरांनि	7	44900	C2	18-48	338
थिफ स' एरिस्टेन	7	44900	C1	18-43	54
साइन्डिक प्रक्रीउर	7	44900	C1	18-35	20
थिफिकेन ड्रेनि इन्ट्रक्ट (इरांनि बिजो)	7	44900	C2	18-48	18
साइन्डिक एरिस्टेन/ड्रेनि	6	35400	B1	18-38	2
जुनिवर ट्रेनलेव/हिन्दी	6	35400	C2	18-36	130
सेनिवर पाथिसिदि इन्ट्रक्ट	6	35400	C1	18-36	3
रटाफ आरे वेकेसवार इन्ट्रक्ट	6	35400	C1	18-36	59
लाइब्रेरियन	6	35400	C2	18-33	10
मिथिफिक फोरांनि (आइजो)	6	35400	C2	18-48	3
गोबां आयवनाय गुदि रेलवे फोरांनि	6	35400	C2	18-48	188
लोगो फोरांनि (आइजो) (जुनिवर रूक)	6	35400	C2	18-48	2
लेबरेरि एरिस्टेन/रूक	4	25500	C2	18-48	7
लेव एरिस्टेन फेड III (केपिड आरे मेडालफिफ)	2	19900	B1	18-33	12

गारै 1036

सोडोनि टेबलआव होनाय बेकोनि जकाथिआ बोसोर हिसारे आरो बेकोनि जकाथिओ ककि-19 फोजोवसंनयनि जाहेनाव 3 बोसोर रैख्य होनायको वाजनायव जावो।

वेकाथे थिसिथि थाखाय मिरुआरि थिसन्थाइ फोरावथाइ (सिडपन) नं. 07/2024 खौ रेलवे डिप्टमेंट वरद (आरआरविपएस)नि गाहायाव होनाय गावुलि वेसाइटाव नायनो हागोन।

सिडपन नं. 07/2024 आव बाहागो लानो आरआर विपएसनि वेसाइटाव

Ahmedabad	www.rbahmedabad.gov.in	Chandigarh	www.rbcdg.gov.in	Malda	www.rbrmalda.gov.in
Ajmer	www.rbjajmer.gov.in	Chennai	www.rrbchennai.gov.in	Mumbai	www.rbrmumbai.gov.in
Bengaluru	www.rbbnc.gov.in	Gorakhpur	www.rrbgp.gov.in	Patna	www.rbrpatna.gov.in
Bhopal	www.rbbhopal.gov.in	Guwahati	www.rrbguwahati.gov.in	Prayagraj	www.rbrald.gov.in
Bhubaneswar	www.rbbbs.gov.in	Jammu - Srinagar	www.rbjammu.nic.in	Ranchi	www.rbranchi.gov.in
Bilaspur	www.rbbilaspur.gov.in	Kolkata	www.rbkolkata.gov.in	Secunderabad	www.rbrsecunderabad.gov.in

बे फोरावथाइआ आदुके नेखाथि बायदिथे अनलाइन सलनि गेजेरौ आरो 'ज गागाननि थिसि विजाथिफोर गाव-गावनि हरोथाइनि विनायोको परद रेफिदर टेबल आरो सिडपन नं. 07/2024 नि रैखा टेबलआव नावोनो हागोन। गोबोआव होनाय फोरावथाइनि लोका थानाय जायथि-जाया गोरोथि फोरावथाइ/फासावनाय/गोनां फोरावथाइफोरखौ आरआरविपएसनि जोबोआव होनाय वेसाइटावफोराव' सभ बायदिथे फोरावनाय थानोन।

नं. आरआरविपएस/एरिस्टेन/एरिस्टेन/सिडपन 07/2024। मिनिरटारियेल एव आइसलेटेड केटेगोरि अवतः 21.12.2024

मासिनि, रेलवे थिसन्थाइ वरद

दालालि, थगायग्रा आरो नंखायै रं खामायग्राफोरनिफ्राय सांग्रा जा

No.B/WLK.25/SOPD/2024-25/09-11 Date 08/01/2025

TENDER PRESS NOTICE-01 (2024-25)

The Divisional Forest Officer, Wildlife Division, Kokrajhar invites bids from registered Contractors of Class-I & II (A, B & C) category of Assam PWD (Roads/Buildings) BTC, for the below construction work under BTC-SOPD fund for the year 2024-25 under Wildlife Division, Kokrajhar.

Details N.I.T may be seen at the office notice board during office hours.

Sl. No.	Name of Schemes/Works	A.A./Estimates Amounts (in Rs.)	Completion period	EMD (In Rs.)	Cost of Tender documents (D/D) in Rs.
1	"Installation of Deep boring tube well and creation of over head water tank with motor and running water facilities at Daokibari Anti-poaching Camp" under Wildlife Division, Kokrajhar".	R.s. 15,00,000/-	6 months	Rs. 15,000/-for SC, ST and Rs. 30,000/- for others.	Rs. 600/-

Tender paper will be issued to the contractor or their authorized agent on 16-01-2025 and 17-01-2025 up to 3.30 PM on all working days from the office of the undersigned. The contractor should submit self attested copy of latest Registration Certificate, GST certificate, latest clearance Certificate of income Tax and Sale Tax, Pan Card, Caste Certificate in case of ST and Cancel Cheque etc. along with the tenders. The Tender will be Receive on 18.01.2025 up to 3.00 PM and open on 20.01.2025 at 3.PM.

The cost of Bid Documents (Non-Refundable) must be in the form of demand Draft in favour of the **Principal Secretary, BTC, Kokrajhar** and payable at SB1, Kokrajhar main branch for amounts as mentioned above.

The Bids must be accompanied by Bid Security of an amount specified for the work as HMD in the table above in favour of the **Divisional Forest Officer, Wildlife Division, Kokrajhar.**

Sd/-
Divisional Forest Officer,
Wildlife Division, Kokrajhar

IPR(BTC)-2023-24/1269

No.KDB/BTC/15thFC(Tied)/2024-25/48 Dated Kokrajhar the 8th Jan/2025

NOTICE INVITING TENDER

Sealed tenders are invited on behalf of P&RD Deptt, BTC, Kokrajhar, from the intending Contractors/Suppliers/ Firms for the work mentioned below:-

Sl. No.	Name of activity	Estimated Value (In Rs.)	EMD/Bid Security (In Rs.)	Tender Fees
1	Const. of Community Toilet at Horinaguri Bazar	Rs. 11,00,000.00	Rs. 11,000/- (1% for ST/SC/OBC) & Rs. 22,000/- (2% for Gen)	Rs. 330.00
2	Const. of Community Toilet at Deborgaon Chariali Point	Rs. 11,00,000.00	Rs. 11,000/- (1% for ST/SC/OBC) & Rs. 22,000/- (2% for Gen)	Rs. 330.00
3	Const. of Community Toilet at Ram Narayan Ram Mandir	Rs. 11,00,000.00	Rs. 11,000/- (1% for ST/SC/OBC) & s. 22,000/- (2% for Gen)	Rs. 330.00
4	Const. of Community Toilet at Magurmari No. 1 Rahhavili Community Hall	Rs. 11,00,000.00	Rs. 11,000/- (1% for ST/SC/OBC) & Rs. 22,000/- (2% for Gen)	Rs. 330.00

Last date & time of bid Submission :- 01-02-2025 upto 14.00 hrs.
Date and time of bid opening :- 01-02-2025 at 14.20 hrs.

Details NIT may be seen in all working days during office hours in the office of the undersigned. Tender papers will be issued to the contractors or their authorized agent from 09-01-2025 to 01-02-2025 in the office of the undersigned. The Tender documents can be seen/obtained from <http://sppp.assam.gov.in> from 09/01/2025 (10.30 hours). A pre-bid meeting will be held on 13-01-2025 (11.30 Hrs). The address for the meeting is o/o the B.D.O., Kokrajhar Development Block, Titaguri.

Sd/-
Name of the TIA: - BDO, Kokrajhar Dev. Block, Titaguri.
Address of the TIA: - BDO, Kokrajhar Dev. Block, Titaguri

IPR(BTC)-2023-24/1265

No.TDB/15th FC/106/2024-25/1511 Date 08/01/2025

INVITATION FOR BIDS

The Block Development Officer, Tamulpur Development Block, Dist-Tamulpur, BTC, Assam invites bid affixing non-refundable Court fee Stamp of Rs. 8.25 (Rupees Eight and Twenty Five Paisa) only from the approved and eligible contractor Class-I (A, B, C), Class-II or Class-III category registered with Assam PWD (R&B)/Irrigation Deptt. for the following work under P&RD Deptt. under 15th FC (Tied Grant) for the year 2024-25. Tender Box will be available for dropping tender in the Office of the Block Development Officer, Tamulpur Development Block from 09/01/2025 up to 2.00 PM on 01/02/2025 (if any holidays or Bandh falls then the subsequent day) and the tender box will be opened at the same day on 3.00 PM in same office.

Sl. No.	Name of work	Tender value (In Lakh)	Time of Completion	Tender Cost & Earnest Money & Date of Tender
1	Construction of Community Toilet at Barnagar Chowk	Rs. 10,47,960.00	180 days from the date of issue of final work order	1. Tender cost @ 0.03% of A/A amount to be pledged by Bank draft in favour of Principal Secretary, BTC. 2. Earnest money @2% (In case of ST/SC 1%) of estimated value to be pledged by demand draft/FDR in favour of B.D.O Tamulpur Development Block. 3. Bidders are specifically requested to inspect the field and study the working condition before submitting their offer/bid.

Details NIT may be seen at Office of the B.D.O Tamulpur Development Block, Tamulpur, Dist- Tamulpur.

Sd/-
Block Development Officer,
Tamulpur Dev. Block, Tamulpur

IPR(BTC)-2023-24/1268

No.GDB/RD/BTC/15thFC/174/2020-21/1127 Date 30/12/2024

SHORT NOTICE INVITING TENDER

Sealed tender affixing a non refundable court fee stamp of Rs. 8.25 (Rupees Eight & paisa twenty five) only with a validity period of 180 days which will subsequently to be converted and drawn up in the printed of APWD, F-2 Form from the Govt. registered contractor/Farm of Class-III and above category of Assam PWD Department and BTC. According to their eligibility for submitting tenders for the following works under 15th FC (Tied Grant) for the year 2023-24 during 2024-25 as stated below. The tender will be received by the undersigned up to 2.00 PM on 22/01/2025 and will be opened on the same date & Place at 2.30PM . Payment of non refundable, the tender form's cost is Rs. 500.00 (Rupees Five hundred) only and non refundable 0.03% only in cash for each act of tender paper Demand Draft to be drawn in favour of the **Principal Secretary, BTC, Kokrajhar payable at Kokrajhar.**

Period of Collection	To be obtain from the office of the BDO Gobardhana Dev. Block on any working days /hours upto 5.00PM from 10/01/2025 to 22/ 01/ 2025
Tender date and time of Opening	22/01/2025

Sl. No.	Name of Scheme	A .A. Amount (Rs.)	Tender Value of work (Rs.)	Time of Completion of Work	Earnest Money(1%) for ST/SC and 2% for Gen /Farm and
1	Const. of Community toilet at Sri Bwrai Bathwo Ashram under Gobardhana Dev. Block under 15 th FC (Tied Grant) for the year 2023-24 during 2024-25	Rs. 10,47,960.00	Rs. 10,47,960.00	180days	(1%) Rs. 10480/- (2%) Rs. 20960/-
2	Const. of Community toilet at Khanhalguri Bathow Mandir Gobardhana Dev. Block under 15 th FC (Tied Grant) for the year 2023-24 during 2024-25	Rs. 10,47,960.00	Rs. 10,47,960.00	180days	(1%) Rs. 10480/- (2%) Rs. 20960/-

The tender /tenders must be submitted with the requisite Earnest Money Deposit(EMD) in the form of deposit at Fixed Deposit /Demand Draft to be drawn in favour of the **BDO, Gobardhana Dev. Block payable at Barpeta Road.** Tender not accompanied by the Earnest Money Deposit (EMD) is liable to be rejected .

Sealed tender in the prescribed tender form shall be addressed to the Block Development Officer Cum Chairman . Tender Committee, Gobardhana Dev. Block, Barpeta Road, Dist.-Baksa, P.S.- Barpeta Road, Pin-781315, Assam . Tenders received after above date & time will not be accepted . The undersigned reserve the right to issue the tender papers to the tenderers and to accept or reject /cancel any or all the tenders if the situation compel to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.

UNSEALED TENDER WILL SUMMARILY BE REJECTED

Sd/- Block Dev. Officer cum Chairman
Tender Committee, Gobardhana
Development Block, Barpeta Road

IPR(BTC)-2023-24/1270

भारतआव इस्लामाबाद आरो ब्रिटेनाव पाटना थानायनि मिबथिनो गोनां बाथा

सरासनस्त्रायै जों इस्लामाबाद होन्नाय खोनायोब्ला गोसोयाव थाबेनो पाकिस्तानआ जाखांफैयो। मानोना इस्लामाबादआ भारतआव उतखारि हाबाफारिखौ दैथायहरनायनि थाखाय मिबथिजानाय पाकिस्ताननि राजथावनि। नाथाय जों दिने पाकिस्ताननि इस्लामाबादनि बाथाखौ नडा, भारतनि इस्लामाबादनि बागैसो सावरायगोन। अदेबानि भारतआव दरसेल' इस्लामाबाद गैया, बेयो दरनै दड। बेयो नखाय नडा, थारेनो सैथो आरो भारतआवबो इस्लामाबाद दड। मख'जाथावदि, उतखारिफोरखौ फिसिग्रा आरो भारतआव दैथायहरना सुबुथिनि बेरेखा अनगार हाबा मावग्रा इस्लामाबादनि मुं खोनायोब्ला सुथुर सानस्त्रिया गोसोआव फैयो। नाथाय जोंनि भारतआव थानाय इस्लामाबादआ गुबुन गुबुन गुननि थाखाय मख'जाथाव। पान्जाबनि अमृतसर आरो उत्तर प्रदेशनि मेरठ



सहरावबो इस्लामाबाद दह। अमृतसरनि इस्लामाबादआ गंसे पुलिस स्टेसननि मुं। बे ओन्सोलाव मुस्लिम सुबुं अन्जिमाया गेजेर थाखोनि दड। अमृतसरनि मुस्लिम अन्जिमाया गासै सहरनि सुबुं अन्जिमानि 0.50 जौखोन्दो। 2011 नि सुबुं सुमिरिनि बायदिब्ला, अमृतसर जिल्लानि मुस्लिम सुबुं अन्जिमाया 12,502 मोन। अमृतसर सहराव 5,862 मुस्लिमफोर दंमोन। फारसेथिं

मेरठआवबो इस्लामाबाद दड। नाथाय बेयो पुलिस थाना नडा, गंसे पुलिस आउटपस्टनि मुंसो। बेनि इस्लामाबाद पुलिस आउटपस्टआ लिसाडि गेटनि बेंखनाव गोग्लैयो, जाय जनपथ हालामाव दड। मेरठआव मुस्लिमफोर गोबां दडआरो बै समनि सुबुं सुमिरिनि बायदिब्ला, बेयाव 11 लाखनि बांसिन मुस्लिमफोर दडमोन। बेयो गासै सुबुं अन्जिमानि 34.43 जौखोन्दोमोन नाथाय

भारतनि दरसे सहरा गुबुन दरसे हादतआवबो दड। भारतआव 200 बोसोर खुंथाय खुंनाय ग्रेट ब्रिटेनआव बिहार राइज्योनि राजथावनि पाटनानि सहर पाटना मुनि दरसे गामि दड। बे गामिया स्कटलेण्डआव दड आरो बेहा भारतनि पाटनाजों मोनसे गोरबनायबो दड। बिहारनि राजथावनि पाटनाया गोथार गंगा दैमा सेराव दडआरो स्कटलेण्डनि पाटना गामियाबो दुन मुनि मोनसे दैमा सेराव एबा बोरियाव दड।

खर' जलांनयनि उनावबो खांखमाया 9 सान गोथाडै नो थायो : बेनि मिबथिनो गोनां जाहोन



ख। ख। म। ख। नुयोब्लानो जों बेखौ होखाडे। सोरबा सोरबा सुबुंफोरा खांखमाखौ नुयोब्लानो गिनानै हखाव हसिबो जायो। नाथाय मानो बेखौ गियो सोरबा मिथिगौगा। बेनि खर'खौ ज'होनेब्लाबो बेनि मोदोम बाहागोआ गोबाव सम गोथाडैनो एबा थैयागसासेनो थायो मानो? बेनि जाहोनखौ मिथिना लानि फै- बे खांखमानि खर'आ जलांनोब्लाबो बेनि गोहोम बाहागोआ 9 सान थाना थानाया बबेबा जादुनि जाहोनाव नडा, बेनि सोलेराव थानाय

मोनसे जरखा गुननि जाहोनाव खांखमानि मोदोम बाहागोआ 9 सानसिम थाना थायो। बेनि गाहाय जाहोना जादों- खांखमाया गन्थजों हां लाया। बेयो देहा सोलेराव थानाय गोबां फिसा फिसा गुदुं थायो, जायजों हां लायो। फारसेथिं खांखमानि खुगाया खर'बाहागोआव थायो, जुदि खर'आ जलाडेब्ला माजों आदार जानानै बेयो 9 सानसिम थाना थायो? बियो मोनसे मख'जाथाव सौंथि? बेनि फिन्नायानो जादों- खांखमानि देहायाव गोबां बिबानि प्रटिन जमा खालामना लाखियो बेनि

जाहोनावनो बेनि मोदोम बाहागोआ 9 सानसिम थाना थायो आरो बेनि उनाव उखैनायजों थैयो। बेखौ मिथिनानै गोमोथाव खांखमाया बयनिखुडबो बांसिन खिफियो एबा गेस हगारो। बेयो मोनफ्रोम 15-15 मिनटनि गेजेरावनो गेस हगारबाय थायो। मुलुगनाडै गासै 4600 खांखमानि फोलेरफोर दड। बेनि 30 फोलेरआल' सुबुंफोरनि न'आव थायो। न'खरआव थाग्रा न' नेमा (थिकटिका) आरो बेमा बायदिजों खांखमाजों नायज्जायनो हाया। लोगो

मोनज्जायबानो अरलायो। जोंनि हादतआव खांखमाखौ नुयोब्लानो मुगैनाय फैयो। नाथाय थाइलेन्डआव बेखौ एवनानै जायो। खांखमानि गुनफोरनि गेजेराव मोनसेया मख'जाथाव आखुथाइआ जादों बेयो 40 मिनटिसिम हां लायालासे थानो हायो। बेनिखायनो बेयो 30 मिनटिसिम दैयाव थाना थायो। बेनि थाना थानायनि समआ 1 बोसोर आरो मोनफ्रोम सेकेन्डआव 5 मिटर गोखैथिजों खारनो हायो। बेहाथों 18 आथिं थायो। बेनि थोंसे आथिंआ बायोब्ला गोदान आथिं सोमजिखांफिनो। खोला आमेरिकाया मुलुगनि देरसिन खांखआ 6 इन्सि गिदिर खांखमा मोनखांबाय। सरासनस्त्रा खांखमाया 2 इन्सि गिदिर जायो। बेयो गासैखौबो जानो हायो। जैरे- साबुन, इन्जुरआव फुन्नाय गाव, लेखा बिलाइ, बिगुरनि मुवाफेर ग्रीस आरो सुबुंनि खर'नि खानायखौबो जानो हायो। खांखमाया मोन 33 रोखोमनि बेक्टेरियाखौ गोसार होयो।

आमेरिकायाव बाई फ्लु भाइरासजों नाखरेब जानानै सासे सुबुंनि जिउ गोमादों

निउयर्क, 8 जानुवारि: आमेरिकायाव बाई फ्लु भाइरासनि मोनसे गिखंथाव खौराडा सोराडाव फैदों। समबारखालि लुसियानानि तागिबि सासे सुबुंज बाई फ्लु जानायनि जाहोनाव जिउ गोमायो। बेरामि सुबुंनि बैसोआ 65 बोसोर बैसोमोन। बिथाडा गुबुन बेरामजोंबो भुगिना दडमोन। बिथांखौ हां लानायाव जेंना गोनां बेराम जानायनि जाहोनाव देहा फाहामसालिआव थिसन्नाय जादोंमोन। थानाय दाननि मोनसे रिपर्टआव सोराडाव फैदोंमोनदि, बे बेरामजों गोबां अन्जिमानि सुबुंफोरा जिउ गोमानो हागौ आरो बेयो करना महामारिनि 100 गुन गिथावनासिन जानो हागौ।



बाई फ्लुनि एडस 5 एन 1 स्ट्रेनआव जानाय मोनसे बिफ्रिंनि गेजेरजों एक्सपार्टफोरा मोनसे गोदान महामारिखौ लानानै जिंगा सिनाय फोरमायदोंमोन। एडस 5 एन 1 आ एभियन इनफ्लुएन्जा एनि मोनसे

साबभेरिएन्ट, जाय लोब्बा गोनां भाइरासनि मोनसे हान्जा। बेजों बांसिन इन्फेक्सन जानायखौ मिथिनो मोनो, मानोना बेयो पल्ट्र दावआव गोब्राब बेराम जानायनि जाहोन जायो। बेल' नडा बे स्ट्रेनआ सुबुं

माहारि आरो माखासे गुबुन जिबफोरनावबो बेराम जानायनि जाहोन जानो हागौ। गिबि गिखंथाव हिउमेन केस थिसन्नाय जादों। बे जाथाया सोराडाव फैनायनि उनाव बे बेरामआ बै भाइरासजों जेंना बांनयखौ इंहित होयो।

रंजालि गथ'फोरनि सौरा

खन्थाइ आरो आं

जिरोन गैयै गोथां जोंनि अंग

मंगलसिं बसुमत्तारि कटन मुलुग सोल्लोसालि

प्रेमालि बसुमत्तारि गहपुर

दुखु- दाहानि समाव गोबों इस्मिन्फ्राय हारसिडेनो सोमखे मोखांजों मेथाइ रोजावफैयो नों। आरो गोजोन-सुखुआवबो मिनिखेरो मिनिबोनाने गोसोखौ बिलिरफैयो नों। नों आरो आं सोमोन्दोआ मा? आंबो मिथिया! नाथाय नों आंनि दुखुखौ बानस' फैयो। आरो आंनि मोदैखौ हुगारफैयो। सुखुआवबो नों आंखौ बावगारा, गोदै रावजों नों आंखौ रायदावफैयो। नों आरो आं माल्लानिफ्राय गोरबखो आंबो गोसोआव गैलिया। दैमा-दैसानि देखोखौ नों आंनो फोरमायखुमायो आरो हाजो लारिनि गोमजोर महर-मुस्त्रिखौबो नों आंनो खोनथाखुमायो। आं मिथिमोनामोन आरो सानफेराखेमोन बुहुमनि जिउ गोनां-जिउ गैयै बिसोरो आंजों रायज्जायगोन। नाथाय जेब्ला... नों आरो आं सोमोन्दोनि दौलेंखौ खाजेनो अब्लासो मिथिमोनबाय आरो सानफेरबाय बुहुमनि गासैबो आंजों रायज्जायखुमायो।

जोनोम गिबि लुथियो भावथिना सिमानि, आलाइआरन आरो दिन्दोलानाय सानफ्रोमबो सोरानि मेरेंडे नै बे फारनै गोबॉनि खिरखिजों नायहरो संसारनि दंनयमानि गासैबो दिन्दनायनिफ्राय सोलिफुं। एमनिफ्राय थनै थखनखौ होयो जेब्ला बैसोमाथानि बिखायाव सिमानिफ्राय मोगथां आगान बारलानो मोनसेनि उनाव गुबुन मोनसे सम आरो बोथोरनि गेजेराव फिनजाथायनि दावहायाव गावखौ बावसोम बावसोम सानसेबा हिमालय हाजो सानसेबा प्रसान्ट लैथोमा सानसेबा पामिर जौईन सानसेबा हायेन दैमा दैसा बिलो बिलोमा मोसालांदों मिनिलांदों गाबलांदों सोलेरनि दंनयमानि गोथां अंगखौ मोसाहो मोसाहो मेरुनाय देहाखौ थेवबो थद होआलाबानो गोजोननि सिमांजों हरे फैसालिनि मांखर सालि फारसेल' आखाइ फोलावहरदों।

लांगोना मोखाडव

निजोम बर' उदालगुरि

साया-माया नुजाफैयो नोंनि महर आंनि जरासे मेगनाव नोंनि रावजोंबो रुजुजायै आंनि नोजोराव समायना महर। लांगोनाखौबो साजायगोन आंनि गोजोन देरानि बायदिमैया रोखोम गाबनि महरजों बेसेदि समायना महर नोंनि। आं अरायसमाव नोंजोंनो थाफागोन रानस्त्राव बोथोरनि समाव दै लुना फोथांगोन नोंखौ जोथोंनै लाखिगोन। बिरबायो रं-बिरनि बेरे-सिखिरि नोंनि मोदोमफ्रु मोदोमनायाव नाजायो गोदै बिदै सोबनो नोंनि आंनि लांगोना मोखाडव।

नोजोर (रमान्टिक)

आंनि नोजोराव नोंनोला 'सै गैया मुलुगाव जेरावबो नायगिरबायसै गोसोआ नोंखौल' हास्थायसै सान-हर, फुं बिलि-मोनाबिलिल 'सै।

जिउनि सानखात्थिआव जेथो नांबाय गैया नोंनि अनगा जेथो सिफायनो हानाय गुवार बुहुमनि बिखायाव आंनि नोजोरनिफ्राय नों गैयैयाव दिने देराया आंनि गोबाय।

गोबां मिजिं दं नोंखौ लानानै जिउआव थानानै थानो गोजोनै दडदिने आं जैरेबो लाथिख' जानानै आंनि नोंखौ नेनानै सुफुंफैगोन साननानै।

समानो थिन्दों दिने आंखौ जिउनि लोगोरि खालामनो नोंखौ साजायनो अनलायनायनि गंसे देराखौ गोजोनै दैदेनलानो दान्दिसेनि जिउखौ।??

थुलुंगानि फुंखा आगदारिनि

सोर मानो खन्थाइनि थिलि थिलि अखाफेर जहाबनाय जाना थाखो

दं बेनि जाहोनबो बेनो जादों थुलुंगानि फुंखा आगदारिनि

लिरगिरि-रैदोम बर', बाक्स

गोसो मोनसेयै गोरबोनि दैमुआव

फै दोंसे दैसानि फैलासेम गुथालजों जथायै गोजोम फालांना हरे गाथोनाव गोरब लायदिनि आलो गोजोनै अननायनि सुदेम देरायाव गोसो मोनसेयै गोरबोनि दैमुआव।

सबिराम बर' राबां, बागसा

गजल खन्थाइ

दिखारनि खन्थाइ सोरजिनो हरदम समाव मोजां मोनो नाथाय आडे दिखारनि खन्थाइ रेवबानो दुखारु सुबुं नडा जेराव सोदोबनि लैथोयाव थब्ल'नो मोजां मोनग्रा फरायगिरि नोंथांमोन आरो रेबानानै थाजिमनाय मोनो

लिरगिरि-रैदोम बर', माजदिया, बगुलामारि, बाक्स

निजोम बर' सोनाब पानेरी, उदालगुरि

भारत-आमेरिकानि गेजेराव बेसेन गोसा धातुफोरनि रडमेपआ थियारि जाबाय



गोदान दिल्ली, 8 जानुवारी : थांनाय बोसोराव गाहाइ मन्थि मदि आरो हादतगिरि ज' बाइडेननि गेजेराव क्कि टिके ल मिनारेल्सनि फोथाराव चीननि वर्चस्वखौ सेलेन्स होनायनि थाखाय हेफाजाब हेज्जलायनायनि जाय गनायथिज्जलायनाय जादोंमोन बेनि रडमेपआ थियारि जाबाय। सानसे सिगां भारतारी एनएसए अजीत डभाल आरो आमेरिकान एनएसए जेक

सुलिवाननि दैदेन्नायाव जानाय जथुम्माआव बेखौ थि खालामनाय जादों। बेखौ मोनै खोलोबाव गुबुन-गुबुन धातुफोराव गावजों गाव सोनारलायनायखौ बांहोनायनि थाखाय हेफाजाबारि हाबाफोर गाइसनगोन। गिबि खोलोबाव ग्रे फाइट, गेलियाम आरो ग्राम्मिनियामनि साप्लाइ चैन थियारि खालामनाय जागोन आरो नैथियाव लिथियाम, टाइटेनियाम, गेलियामनि

प्रसेसिनि सुविधाखौ जौगाखां होनाय जागोन, जाहाथे दरैनेबो हादतनि कम्पनीफोरनो बेखौ जगायना होनो हायो। उफ्रा बेसेन गोसा धातुफोरखौ जोबोद जौगाखां गोनोखोयारि उद्यगफोराव बाहायनाय जायो। जेरै-ग्रे फाइट, गेलियाम, लिथियामखौ बाहायना सेमिकन्डाक्टर, मेमरी सेल्स, मबाइल फन्स, लेपटेप, ग्रिड स्ट्रेज, इलेक्ट्रिक गारिफोराव बाहायनाय जायो।

आथिखालाव दरै हादतनि संदानग्रा फसंथानफोर आरो कर्परट सेक्टरनि गेजेराव हेफाजाबनि लामाया गेवबाय। बेसेन गोसा धातुफोरनि सेक्टराव भारत आरो आमेरिकानि मोनसे समान जेनाफोर दड। बांसिन बेसेन गोसा धातुफोरनि खादान, प्रपेसिं आरो जगायना होनायनि सायाव चीनहा मख'जाथाव हाबाफारि दं। इलेक्ट्रिक गारिफोराव बाहायनायनाय बेटारि बानायनायनि थाखाय गोनांथार लिथियामनि खादाना चीननियाम 7 जौखोन्दो दं। नाथाय मुलुगनि 60 जौखोन्दो लिथियाम बाजारआव बेनि गोहोम दं। मुलुगाव 75 जौखोन्दो बेटारिफोर चीनआवनो बानाय जायो। बेनि जाहोनाव भारतनि साखा-खबनै आरो खबथाम गारिफोराव जाय बेटारिफोरा लागायनाय बेफोरनि 90 जौखोन्दो आनो चीननिफ्राय लाबोजानाय।

पनामा नालानि सायाव ट्राम्पनि बिबुंथि होनायखौ पनामाआ फिनजाथाय होदों

गोदान दिल्ली, 8 जानुवारी: आमेरिकानि गोदानै सायख'जानाय हादरगिरि डनाल्ड ट्राम्पआ बुडेदि, पनामा नाला आरो ग्रीनलेन्डनि सायाव कन्ट्रल खालामनो थाखाय सान्थिनि गोहो बाहायनायनि सन्देहखौ नेवसिगारनो हाया। आथिखालाव डनाल्ड ट्राम्पनि फार्सेनिफ्राय कन्ट्रलखौ मोनफुनो थाखाय सान्थि यारि नायबिजिरनायखौ बाहायनाय बाथ्राखौ नेवसिगारनायनि उनाव पनामानि फार्सेनिफ्राय बे बिबुंथिआ जुजाथियो। पनामाआ बुंनाय बादिब्ला, बिसोरनि लैथोमा सिनि नालानि सायाव रादाइ खानो हाया। पनामानि



गुबुन हादरयारि मन्थि जेभियार मार्टिनेज-आचाआ बे बिथिनि सायाव बिबुंथि होयो। बेयो जॉनि दावहानि जारिमिननि बाहागो होनानै पनामानि गुबुन हादरयारि मन्थिआ बुं दों। हादरगिरि डनाल्ड ट्राम्पआ गावनि गिबि गिदिर रेलिआव पनामा नालानि सायाव

कन्ट्रलखौ बोखानानै लाफिन्नो हुमखि होदोंमोन। अदेबानि पनामा नालानि जेनाआ गोबाव समनिफ्रायनो सोलिगासिनो दड। बेनि गेजेरजों ट्राम्पआ पनामा नालाखौ लाफिन्नो नाजागोन होनानै बुंदोंमोन। बे बिबुंथिनि उनाव पनामानि हादरगिरि एस राउल मुलिनआ

गोखोडै फिनजाथाय होदों आरो बेखौ बिसोरनि हादरखौ लाजिफोनांनाय होन्ना फोरमायो। मख'नो गोनादि, पनामाआ गेजेर आमेरिकायाव थानाय दरसे हादर। बे हादरआ साहा आरो खोला आमेरिकाखौ सरजाबग्रा बाहागोआव दड। पनामाआ गावसोरनि स्काइक्रेपार बिल्डिफोरनि थाखाय मुंदाखा। बेखौ लेटिनि आमेरिकानि दुबाइबो बुंनाय जायो आरो पनामा नालाआ मोनसे सुबुंथि बानायनाय दै लामा। बे नालाआ आटलान्दिक लैथोमाखौ प्रसन्त लैथोमाजों सरजाबो। बेनि गासै गोलावआ 82 कि:मि:, गुवारआ 90 मिटर आरो गोथौआ 12 मिटर।

युनुस सरकारा हासिनाजों लोगोसे सा 94 सुबुंफोरनि पासपर्टखौ केन्सेल खालामबाय

का, 8 जानुवारी : बांलादेशनि अन्तरिम सरकारा बाराग' गाहाइ मन्थि शेक हासिना आरो सा 96 गुबुन सुबुंफोरनि पासपर्टखौ केन्सेल खालामो। बिसोरनि हेंथायै जर-जुलुमै गोमाहोनाय आरो थांनाय बोसोरनि जुलाइआव जानाय बुथारनाय जाथायाव लोब्बा थांनायनि थाखाय नायबिजिरनाय जादों। शेख हासिनाया थांनाय बोसोरनि 5 आगस्टआव फरायसाफोरनि दैदेन्नायाव सोमावसारनायनि उनाव बांलादेशनिफ्राय गोदान दिल्लीयाव फैदोंमोन आरो बेनि



उनावनो आबामी लीगनि 16 बोसोर सरकार खुंनया बायो। बांलादेशनि आइसिटिआ हासिना आरो माखासे बाराग' केबिनेट मन्थिफोर, बोसोनगिरिफोर आरो सान्थि-सान्थि नडै

बिबानगिरिफोरनि हेंथायै सुबुंथिनि हेंथा क्राइम एबा बथारलुनायनि थाखाय एरेस्ट वारेन्ट फोसावदों। गाहाइ बोसोनगिरिनि लेडाइ प्रेस नेहाथारि आबुल कालाम आफाद

मजुमदारा बुडेदि, पासपर्ट बिफानआ जर-जुलुमै गोमाहोनाय सा 22 सुबुंफोरनि केसआव थाफानाय सुबुंफोरनि पासपर्टखौ केन्सेल खालामबाय आरो थांनाय जुलाइ दाननि बुथारलुनायाव थाफानायनि जाहोनाव शेख हासिनाजों लोगोसे सा 75 सुबुंफोरनि पासपर्टखौ केन्सेल खालामनाय जादों। मख'जाथावदि, आइ सिटिआ थांनाय समबाराव बाराग' गाहाइ मन्थि हासिनानि हेंथायै नैथि एरेस्ट वारेन्ट फोसावदों।

रंखान्थियारि अलखदनि गेजेरजों पाकिस्तानआ 1.5 लाख साखिफोरखौ फोजोबनायनि थांखि



इस्लामाबाद, 8 जानुवारी: पाकिस्ताननि सोलिबाय थानाय रंखान्थियारि अलखदनि गेजेरजों जुथाय सरकारआ खरसाखौ खम खालामनो थाखाय 60 जौखोन्दो लांदां जानानै थानाय मासिफोरखौ फोजोबनो थांखि लादों। बेजों लोगोसे पाकिस्तानआव खेबसेयैनो 1.5 लाख सरकारि साखिफोर जोबना थांसिगोन। पाकिस्तानआ माखासे देहा फाहामसालिफोरखौ ओन्सोलारि खुंथायफोरनो ट्रेन्सफार खालामनोबो बिथांखि लागसिनो दड। सुलुनि बादिब्ला, जुथाय सरकारआ 1,50,000 साखिफोरखौ फोजोबनानै सोमोन्दो गोनां एजेन्सिफोरनि अन्जिमायाव खावसे खमायनो थांखि लादों। अदेबानि

सुलुनि बादिब्ला, जुथाय सरकारआ 1,50,000 साखिफोरखौ फोजोबनानै सोमोन्दो गोनां एजेन्सिफोरनि अन्जिमायाव खावसे खमायनो थांखि लादों। अदेबानि

मोन 80 बिफानफोरखौ 40 आव सरजाबना होनाय जाबाय होन्ना औरजेबआ बुडे। सरकारआ खरसाखौ खम खालामनो आरो साबसिनै दिन्थिनो थाखाय गोबां बेसेनआव दावखलायहोनायनि रहा लादों। बे थांखिखौ 2024 नि गेजेरव गाहाइ मन्थि शाहबाज शरिफआ दानाय मोनसे कमिर्दिनि गेजेरजों जागायदोंमोन। कमिर्दिआ मोन 43 बिफानफोर आरो बिनि एजेन्सिफोरखौ नायबिजिरदोंमोन। मन्थिनि बुंनाय बादिब्ला, बे बिफानफोरव जुथाय सरकारनि बोसोरि खरसाआ 900 आरख डलारमोन। बिथानि बादिब्ला, सरकारआ जागायनायाव जाय मोन 6 बिफानफोरखौ नुंगुबे महर होनो थाखाय सायख'दोंमोन, बेयाव काश्मीर केस आरो गिलगित-बाल्टिस्तान, रइज्यो आरो सिमना ओन्सोल, आइटि आरो फोनंजाब, उद्यग आरो जोनोम होनाय, माहारियारि देहा सिबिथाय आरो पुन्जि जौगाखां अथ रिटिआ दंफायो। नैथि खोलोबआव बिगियान आरो टेक्नलजी बिफान, फालांगि बिफान, न' बानायग्रा आरो माहारियारि जाग्रा आदार रैखाथि संदानायनि मोन 60 फरसंथानफोरनि गेजेरव मोन 25 फरसंथानफोरखौ फोजोबनानै होनाय जागोन, मोन 20 नि महरखौ फिसा खालामनाय जागोन आरो मोन 9 नि थाखाय रादाइ होनाय जागोन।

मोन 80 बिफानफोरखौ 40 आव सरजाबना होनाय जाबाय होन्ना औरजेबआ बुडे। सरकारआ खरसाखौ खम खालामनो आरो साबसिनै दिन्थिनो थाखाय गोबां बेसेनआव दावखलायहोनायनि रहा लादों। बे थांखिखौ 2024 नि गेजेरव गाहाइ मन्थि शाहबाज शरिफआ दानाय मोनसे कमिर्दिनि गेजेरजों जागायदोंमोन। कमिर्दिआ मोन 43 बिफानफोर आरो बिनि एजेन्सिफोरखौ नायबिजिरदोंमोन। मन्थिनि बुंनाय बादिब्ला, बे बिफानफोरव जुथाय सरकारनि बोसोरि खरसाआ 900 आरख डलारमोन। बिथानि बादिब्ला, सरकारआ जागायनायाव जाय मोन 6 बिफानफोरखौ नुंगुबे महर होनो थाखाय सायख'दोंमोन, बेयाव काश्मीर केस आरो गिलगित-बाल्टिस्तान, रइज्यो आरो सिमना ओन्सोल, आइटि आरो फोनंजाब, उद्यग आरो जोनोम होनाय, माहारियारि देहा सिबिथाय आरो पुन्जि जौगाखां अथ रिटिआ दंफायो। नैथि खोलोबआव बिगियान आरो टेक्नलजी बिफान, फालांगि बिफान, न' बानायग्रा आरो माहारियारि जाग्रा आदार रैखाथि संदानायनि मोन 60 फरसंथानफोरनि गेजेरव मोन 25 फरसंथानफोरखौ फोजोबनानै होनाय जागोन, मोन 20 नि महरखौ फिसा खालामनाय जागोन आरो मोन 9 नि थाखाय रादाइ होनाय जागोन।

लियाम पायनेनो ड्राव्स जगायग्रा दायनिगिरिआ गावखौ पुलिसनो गथायबाय

गोदान दिल्ली, 8 जानुवारी: ब्रिटिस दंखोगिरि लियाम पायनेनो जाय सानै सुबुंफोरा ड्राव्स दैथायहरदोंमोन बिसोरनि सासेआ आर्जेन्टिना पुलिसनि सेराव गावखौ गथायबाय। पुलिसआ बुंदोंदि, दायनिगिरिआ सिगां समाव खारखोमाना दडमोन, नाथाय बियो गावनो फेना गावखौ गथायफेदों। पुलिसआ एरेस्ट वारेन्ट लानानै थांनाय शुक्रबारखालि ब्युन्स आयासनि बाइजो ओन्सोलाव बिनि न'आव बिखौ हमनो थांदोंमोन। अदेबानि बै समाव बिखौ हमनो मोनाखै। 21 बोसोर बैसोनि डेभिड पेरशनि उक्लिआ थांनाय

सानआव बिबानगिरिफोरनो खौरों होनानै आर्जेन्टिनानि राजथावनिआव बियो गावखौ गथायगोन होन्ना मिथिहोदोंमोन। बेनि उनावनो एर्जेकिएलआ पुलिसनो गावखौ गथायो। बेनि सिगां पुलिसआ थांनाय सत्ताहआव 24 बोसोरनि हटेल वेटार ब्रायन पेजखौ हमदोंमोन। मख'जाथावदि, थांनाय 27 डिसेम्बरआव ब्रिटिस दंखोगिरिनो ड्राव्स हैनायनि दाय जाबसिन्नायनि उनाव गावखौ गथायो। हटेलआव बै समाव सा 3 गुबुन सुबुंफोरखौ दडमोन। बिसोरनि गेजेराव लियाम पायनेनि लोगो रजार नरेशजों लोगोसे हटेलनि मेनेजार,



रिसेप्सननि गाहाइ मावसुमानि मुडाबो दंफायो। बिबानगिरिफोरनि दाय जाबसिन्नाय बादिब्ला, बिसोर सानैआ दंखोगिरि लियाम पायनेनो ककिन जगायनानै होदोंमोन, जायखौ बियो थैनायनि सिगां जादोंमोन। बेनि अनगायै हटेल सामलायगिरि

गिल्डा मार्टिन आरो एस्टेबन ग्रासिनि सायाव बुथारनायनि दाय जाबसिन्नाय जादों। 30 बोसोर बैसोनि दंखोगिरि लियाम पायनेनो ककिन जानायनि उनाव कासासुर पलेम हटेलनि बेलकनीनिफ्राय गोग्लैदोंमोन आरो जिउ गोमादोंमोन।

बांलादेशनि आगुनि गाहाइ मन्थि खालिदा जियाआ फाहामथायनि थाखाय लण्डन फारसे रवना होदों



ढाका, 8 जानुवारी: बांलादेशनि आगुनि गाहाइ मन्थि कालिदा जियाआ थांनाय मंगलबारखालि मेडिकेल ट्रीटमेन्टनि थाखाय ढाकानिफ्राय लण्डननि थाखाय रवना होयो। बिथानि सासे बोसोनगिरिया बेनि खौरं होदों। बिथाड फोरमायोदि, खालिदा जियाआ थांनाय मंगलबार हर गेजेरव एम्बुलेन्सजों लन्दननि थाखाय रवना होयो। मख'नो गोनादि, कालिदा जियाआ खेबथाम बांलादेशनि गाहाइ मन्थि जाखोबाय। बियो बांलादेश नेसनसिस्ट पार्तिनबो गाहाइ। ढाकानि हजेरल शाहजलाल हारिमायारि एयारपर्टनिफ्राय जेब्ला बियो रवना होदोंमोन, अब्ला बै समाव पार्तिनि माखासे दैदेनगिरिफोर बेयाव दडमोन। सुलुनि बायदिब्ला, खालिदा जियाआ बे समाव लिबार सिरिसिस, बिखानि बेराम आरो किडनीनि जेनाजों भुगिनांना दड। बेयफारसे दासादि बांलादेशआ राजखान्थियारि जेनाफोरखौ भुगिनांगासिनो दण्डननि। मख'नो गोनादि, शेख हासिना आरो खालिदा जियाआ बांलादेशनि सानै बयनिखुइ गोहोम गोनांसिन दैदेनगिरि। बेनि गेजेरजों बांलादेशआव इन्टरिम सरकार

उनावनो आबामी लीगनि 16 बोसोर सरकार खुंनया बायो। बांलादेशनि आइसिटिआ हासिना आरो माखासे बाराग' केबिनेट मन्थिफोर, बोसोनगिरिफोर आरो सान्थि-सान्थि नडै

बिबानगिरिफोरनि हेंथायै सुबुंथिनि हेंथा क्राइम एबा बथारलुनायनि थाखाय एरेस्ट वारेन्ट फोसावदों। गाहाइ बोसोनगिरिनि लेडाइ प्रेस नेहाथारि आबुल कालाम आफाद

मजुमदारा बुडेदि, पासपर्ट बिफानआ जर-जुलुमै गोमाहोनाय सा 22 सुबुंफोरनि केसआव थाफानाय सुबुंफोरनि पासपर्टखौ केन्सेल खालामबाय आरो थांनाय जुलाइ दाननि बुथारलुनायाव थाफानायनि जाहोनाव शेख हासिनाजों लोगोसे सा 75 सुबुंफोरनि पासपर्टखौ केन्सेल खालामनाय जादों। मख'जाथावदि, आइ सिटिआ थांनाय समबाराव बाराग' गाहाइ मन्थि हासिनानि हेंथायै नैथि एरेस्ट वारेन्ट फोसावदों।

जारिस्टन टुडुआ हादतगिरि डनाल्ड ट्राम्पखौ सोंखारिदों

गोदान दिल्ली, 8 जानुवारी: आमेरिकायाव गोदानै सायख'जानाय हादरगिरि डनाल्ड ट्राम्पआ गोलाव समनिफ्रायनो कानाडाखौ आमेरिकायाव सोफानो अफार होगासिनो दड। माखासे सान सिगां बिथाड बेनि थाखाय



रंखान्थि गोहोबो बाहायनो हागौ होनानै बुडे। नाथाय ट्राम्पनि बे सिमाड आथिखालाव फेलें जायो। कानाडानि गाहाइ मन्थि जारिस्टन टुड'आ बेबादि माब्लाबावो जानाय नड होनानै बुडे। टुड'आ ससेल मिडिया साइट एक्सआव पस्ट खालामनानै बुडेदि, कानाडाआ इउनाइटेड स्टेटसनि बाहागो जागोन बे बाथ्राया माब्लाबावो जानो हाया। डनाल्ड ट्राम्पआ गोलाव समनिफ्रायनो कानाडाखौ आमेरिकानि 51 थि राइज्यो बानायनायनि बाथ्रा बुं'बोबाय थादों। ट्राम्पआ आमेरिकाजों लोगोसे कानाडानि ट्रेड सारप्लासनि सायावबो जिंजा सिदों। बिथाड खेबसे खौरंगिरिफोरनि सिगाडव बुंदोंमोनदि, कानाडा आरो इउएसनि गेजेराव सिमनाआ मोनसे आर्टिफिसिएल लाइनि

थाखायल', आमेरिकाआसो कानाडाखौ रैखा खालामो। बेनिखायनो सिमनाखौ पोजोबनानै नेसनेल सिक्किउरिस्टिखौ साबसिन खालामनो हायो। ट्राम्पनि बुंनाय बादिब्ला, आमेरिकाआ कानाडानो बोसोरफोमबो 200 बिलियन डलारनि साब्सिड

होयो। बेजों आमेरिकानि फालांगिआ दावखलायो। बेयाव जुदिमुवा-बेसाद आरो सिबिथायफोरनि'ल' बाथ्रा बुडेब्ला, कानाडाजों लोगोसे ट्रेड खालामनायाव आमेरिकाआ 2023 आव 40.6 बिलियन डलार खहा जादोंमोन। बेरफारसे आमेरिकाआ कानाडानिफ्राय

लासवेगसनि बेरफुनायाव चेटबट चेट-जीपिटि बाहायनायनि फोरमान मोन्जो हादों

वाशिंगटन, 8 जानुवारी: इंगजी गोदान बोसोरनि सानखालि लासवेगसआव ट्राम्प इन्टरनेसनेल हटेल बाइजोआव टेस्ला साइबारट्रकआव बेरफुनाय केसनि मोनसे गोनांथार खौरं सोराडव फैदों। बे बेरफुनायनि प्लेनिनि थाखाय पपुलार चेटबट चेटजीपिटिखौ बाहायदोंमोन। बिबानगिरिफोरा बेनि खौरं होदों। सन्देह खालामजाथाव सुबुड चेटजीपिटिनियाव ब्लास्ट खालामनो थाखाय बेसेबां

एक्सप्लोजिभनि गोनांथि जायो आरो बेखौ माबोरै बाहायो होन्ना सोंदोंमोन। बे के सखौ एफबिआइआ नायबिजिरासिनो दड। मख'जाथावदि, टेस्ला साइबारट्रकआव जानाय बेरफुनायाव बै सन्देह गोनां सुबुंआबो जिउ गोमादोंमोन। बिखौ 37 बोसोरनि मेथ्यु लिभेल्सबगरि होन्ना मिबथिनो हादोंमोन। बियो सान्थियावबो हाबा मावना फेनायमोन। एफबिआइया बुंदों, बियो



हारसिनो बै जाथायखौ मावफुंदों आरो बेखौ सुइसाइडनि केस बायदि मोन्डाडो। लासवेगस मेट्रपलिटान पुलिस बिफाननि बायदिब्ला, साइबारट्रक ब्लास्टआ इउएसआव जानाय गिबि केस, जेराव बमा बानायनायनि थाखाय चेटजीपिटिखौ बाहायदों। दायनिगिरिया चेटजीपिटि एआइखौ गाग्लोबनायनि थाखाय बाहायनायनि रोखा फोरमानबो मोन्या जादों।

मजुमदारा बुडेदि, पासपर्ट बिफानआ जर-जुलुमै गोमाहोनाय सा 22 सुबुंफोरनि केसआव थाफानाय सुबुंफोरनि पासपर्टखौ केन्सेल खालामबाय आरो थांनाय जुलाइ दाननि बुथारलुनायाव थाफानायनि जाहोनाव शेख हासिनाजों लोगोसे सा 75 सुबुंफोरनि पासपर्टखौ केन्सेल खालामनाय जादों। मख'जाथावदि, आइ सिटिआ थांनाय समबाराव बाराग' गाहाइ मन्थि हासिनानि हेंथायै नैथि एरेस्ट वारेन्ट फोसावदों।

कक्राझारनि नेहरु युव मिरुनि बान्जायनायाव बर्डार एरिया लाइमोन सोलायथाय हाबाफारि खुंदों



हामांसु कुमारआ गावनि बिबुंधियाव मख 'दों। बेजों लोगोसेनो गुबुन गुबुन आयदानि सायाव हांखायहरजानाय आलासिफोर बिबुंधि लाखिदों। कक्राझार सिभिल फाहामसालिनि फाहामगिरि डा. वारिस आक्टार बारिआ झाम्स बाहायनाय आरो बेनि जाहोनाव सोमजिनाय जाहोनाव बेरामफोरनि सोमोन्दे बिबुंधि लाखिदों। दैदेनगिरि तरेन्द्र नाथ बसुमतारिआ बर' हरिसुनि सायाव बिबुंधि लाखिदों। देबरज

पालआ लाइमोन दैदेनगिरिनि सोमोन्दे बिबुंधि लाखियो लोगोसेनो डा. हचमत आलिआ आसामनि दोरोडारि आरो हरिसुनि सोमोन्दे बिबुंधि लाखियो। डा. शचक्र शंकर शर्माआ लाइमोन समाजआ हादतनि जौगाखानायाव गोना बिफाव लानायनि सोमोन्दे हाबाफारियाव बिबुंधि लाखिदों। बे हाबाफारिनि समाव बाहागो लागिरिफोरखों रेहरु युव मिरु कक्राझारनि जिल्ला लाइमोन बिबानगिरि हिमांशु कुमारनि दैदेनायाव सरलपारयाव फिल्ड भिजितनि थाखाय लांनय जादों। लोगोसेनो बिसोरखों कक्राझार साहा बागानावबो लानानै थानाय जादों आरो साहा दिहुन्थायजों लोगोसे लोब्बा गोनां गुबुन गुबुन आयदाफोरनि सोमोन्दे फोरमायथिना होदों। करन्जत ब्रह्म आरो लक्षिम ब्रह्मनि हान्जाया बर' हरिनि गान्नाय-जोमनाय, बर' आर'नाइ, बर' हरिसुजों लोब्बा गोनां दामजुफोरनि सोमोन्दे फोरमायना होदों।

(1 बिलाइनिफ्राय)

दुरामारिआव गामिनि राइजो राजाफोरा सा 6 ...

लोब्बा थानायनि अजदजों गं 6 नख 'रफोरनि न'-बांफोरखों सावनानै होयो। कक्राझार जिल्लानि बालाजा पुलिस थानानि दुरामारिआव सोमजिनाय बे जाथाया राइज्यो नडैनेनो गोखों फिनाजाथाय सोमजिहोदों। दिनें खोंरं बिजोंनि सिगाडव ओन्सोलनि राइजो-रजाफोरा अजद दैखानाय बायदियै कक्राझार जिल्लानि दुरामारि ओन्सोलनि माबा आरो हेकाइपारा-नयापारनि गंसे नख 'रनि हँथायै गोलाव समनिफ्रायनो मोसो खानायनि अजद दैखंबोदोंमोन। मोसो खानायनिफ्राय जानगराव थानो थाखाय गोलाव समनिफ्रायनो ओन्सोलनि राइजो-रजाफोरा सांग्राथि होबोदोंमोनब्लाबो बिसोरों खोनासडाखेंमोन। राइजो-रजाफोरा अजद दैखानाय बादिब्ला बेनि सोमोन्दे पुलिसनो खोंरं हरदोंमोनब्लाबो पुलिसआ मोसो सिखावफोरखों हमनानै लांदोंमोनानै उनाव हगारानाै होफिन्दोंमोन। बे बायदि थासारिनि गेजेराव बिसमुरि ओन्सोलनि बर' गामिनिफ्राय फिन मोसो खानानै लांनयाव ओन्सोलनि राइजो-रजाफोरा रगा जोंखाडो। बिसमुरि पुलिसआ मोसोफोरखों बोखानानै लांनयनि उनाव ओन्सोलनि राइजो-रजाफोरा मोसो सिखावनि हँथायै ज' जानानै दिनें सानसेनि गामि मेल खुंनयाव जायो। राइजो-रजाफोरा खुंनया गामि मेलाव मोसो सिखावफोरखों लिंहरदोंमोनब्लाबो सिखावफोरा खारखुनालाडो। ओन्सोलनि राइजो-रजाफोरा गामि मेल खुंनानै बे थांखिखों लायो आरो बे बायदिनो दिनें बेलासिनि 4 रिगानिफ्राय मोसो सिखावफोरनि न'-बांफोरखों गिबियाव बुफाय-बुसि खालामनायनि उनाव न'-बांफोरखों सावनानै होयो। खुद्रिखानाय राइजो-रजाफोरा दुरामारि ताबुर चर गामिनि साहजहान आलि सेख, मड्डुल आलि सेख, सानवार आलि सेख, आमजाद आलि सेख, सुरमान आलि सेख आरो हेकाइपारा नयापार गामिनि आसाद आलि आकन्दनि न'-बांखों सावनानै होयो। पुलिसनि नुजाथिनायावनो ओन्सोलनि राइजो-रजाफोरा मोसो सिखावफोरनि न'-बांफोरखों मान गैये खालामनबोदों आरो बेनि थाखायनो गामिनि राइजो-रजाफोरा बायध्याव ओंखारनो हाये थासारि सोमजिहोदों। बिसोरों मोसो खानानै न'-बां-गारि-मटर बायदों आरो हाजिर मावनाय सुबुंफोरा गुबुन गामियाव खामानि मावनो थान्ळा बाडइ सानखो हरिया मोसो सिखाव होनानै मान गैये खालामजाबोदों। मोसो सिखावफोरनि थाखायनो हाजिरा मावनानै जाग्रा सुबुंफोरनि जिउ खुंनयाव गोहोम गोरलेदों आरो अरायबो मान गैये खालामजाबोदों होनानै फोरमायो। ओन्सोलनि आखायाव लानानै न'-बां सावनानै होनायनि उनावबो बिसोरों गोजोन्नय गैया आरो बेयो राइजो-रजाफोरनि लिरिथि महेरै जथय थांखि होना फोरमायनानै मोसो सिखावफोरनि गोखों साजा होनांगों होनानै राइजो-रजाफोरा फोरमायो। बेनि अनगायैबो माखासे बाडइ सुबुं सानखो हरिनि मोसो सिखावफोरनि थाखायनो गासैबो बाडइ सुबुं सानखो हरिया अरायबो मान गैये खालामजानो हाया होनानै रोखायै फोरमायनानै मोसो सिखावफोरखों जेबो जाहोनावनो जायगा होनाय जानाय नड होनानै फोसावदों बाडइ सुबुं सानखो हरिनि दुरामारि ओन्सोलनि राइजो-रजाफोरा। मख 'नो गोनांदि, दुरामारि ओन्सोलाव दसापदइ दुंहाव थासारि सोमजिदों आरो पुलिस थासारिखों दबथायनो नाजागासिनो दं। ओन्सोलनि राइजो-रजाफोरा पुलिसनि सिगाडव बायदि स्त'गान होनानै दुंहाव थासारि सोमजिहोयो।

दुलाराय बर' फरायसा आफादनि 3 घन्टा ...

बायदि स्त'गानजों सोमावसारो। उदालगुरि जिल्ला दुलाराय बर' फरायसा आफादनि गहाइ नेहाथारि बाबुल बर'नि दैदेनाय बे हाबाफारियाव मिरु दुलाराइ बर' फरायसा आफादनि आफादगिरि दिपेन बर', लोगो बुंथिगिरि बिबारि बर', नेहाथारि आनन्द दैमारि, उदालगुरि जिल्ला दुलाराय बर' फरायसा आफादनि आफादगिरि कर्नेलियास दैमारी, जिल्ला आफादनि मावसोम हान्जा, उदालगुरि जिल्ला बर' थुनलाइ आफादनि गहाइ नेहाथारि पिथर गोर खुंरा दैमारी, जिल्ला आफादनि बेंखानाव थानाय मोनफ्रोमबो दख'रा एबसुनि आफादगिरि गहाइ नेहाथारिनिफ्राय लानानै उदालगुरि जिल्लानि गोबां मेलेमजिबि सानसुभे सुबुंफोरारो दिनेंनि हाबाफारियाव बाहागो लाफायो। थानाय गोलाव समनिफ्रायनो बर' माहारियारि जेंनाफोरनि सायाव बिथा खालामना देलायनि गोदान बोसोर 2025 माइथायाव मिरु दुलाराइ बर' फरायसा आफादआ सरकारनि फारसे रगा जोंनायखो दिन्थिनो थाखाय दिनेंनि सानाव राइज्योनि सिडव थानाय मोनफ्रोमबो जिल्ला आफादफोरनि गहाइ मावखुलियाव बे 3 घन्टानि सुबुं खुद्रिसारनाय हाबाफारिखों लानाय जादों। हादरनि गहाइ मन्थि आरो नख'र मन्थिआ फोरमायनाय बायदिबला National Education Policy नि गेजेरजों विमा रावखों बांसिनै गोनांथि होनाय जादों, जाय पलिसिनि गेजेरजों मिडिकेल आरो इन्जिनियरिआ विमानि राव बिजोंडवनो जानांगो होना। नाथाय बेफोरबायदि बुंसेयावबो आसामनि सि जे एम नि इन्ट्रेन्स आन्जादआव बर' राजजों लिरनो मोनै, बर' रावआ दाइरथि फारिलाइआव सोसजनानाय एबा 1960 आसाम मावख'आरि राव आयेन बायदियै बर' रावआबो दिनेंनि सानाव आसामनि नैथि मावख'आरि राव महेरै गनायथि मोनायनि उनावबो बायदि सरकारी आन्जादफोरनिफ्राय बर' रावआ जानगरा जानो गोनां जादों, सि. टेट आब बर' आ नैथि राव महेरै गनायथि मोनां नांगों, 101 था फरायसालिफोरखों फेजोखानो नांगों आरो बेवहाय फोरोंगिरिफोरनि मासि सोरजिनाय, गं 35 था आदर्श फरायसालि गायसनायनि खोथा होसेयावबो सरकारआ जेबो राहा लायै, फोरोंगिरि थिसनानयि बेलायाव लेहेम खालामनाय, बिटिआर गोजोन गोरबथानि 6.3 दफा बायदियै सरकारि नडै भेन्सार फरायसालिफोरखों सरकारी खालामनाय, थानाय थाम बोसोराव एबसुनिफ्राय सरकारजों गोबां खेब सावरयालयनि गेजेरजों सरकारआ दाबिफोरखों मावफुनो थाखाय खोथा होदोंमोनब्लाबो मावफुनाय जायसै। जायनि जाहोनाव बेबायदि सरकारी फारसे सुबुं खुद्रिसारनाय हाबाफारिखों लानो गोनां जानानै फेदों होना फोरमायो हाबाफारिनि गहाइ आलासि एबा मिरु दुलाराइ बर' फरायसा आफादनि आफादगिरि दिपेन बर'आ। बेफोरबायदि हाबाफारि लानायनि गेजेरजोंबो एबसुनि दाबिफोरा सुखानायाब्ला फेगौ समाव गनतान्त्रिक बाबे आन्दाल खालामनो थाखाय एबसुआ अरायसम थियारि आरो दिनेंनि बे आन्दालनआ गिबि एबा जागयजेन्दोसो होना गावनि गोखों रावनि गेजेरजों आसाम सरकारनिमिस हूमखि होदों आफादगिरि बर'आ। दिनेंनि बे हाबाफारिनि जोबनाय फारसे उदालगुरि जिल्ला बेंगिरि हेफाजाबाव आसामनि गिबि मन्थि ७ हिमन्त बिश्व शर्मानिसिम गांसे गोसोखालाइ गथायो।

मुसलपुरआव बाक्सा जिल्ला एबसुआबो 3 ...

सोलोंथायारि बिजर्स गौथुमाव बर' रावआव सासे बिबुंसारगिरि थिसननाय आरो थिसनथाइफोरोंथाय, समग्र शिक्षा अभियान (एसएसए)आव बर' रावनि थाखाय सासे रावसोलायगिरि थिसननाय, सोलोंथाय गेरेन्टी बिथोंखि (इ.जि.एस.) नि सिडव मोनफ्रोम फरायसालिनि थाखाय सानै अरायथा फोरोंगिरि थिसननाय, बाक्सा धुदन्इ आरो बालिपारायाव थानाय मडेल डिग्री फरायसालिमाफोराव सोलोंथायनि बिजों महेरै बर'खों सिनायथि होनाय, अंगनबादि मिरुफोराव बर' रावआव सोलोंथायारि बिजाबफोरखों सिनायथि होनाय आरो रानाय, बायजोआव थानाय गं 10 फरायसालिमाफोराव बर' बिफाननि थाखाय सासे लोगो बिबुंरोरा थिसननाय, बर'आव फरायनाय आरो लिरनायाव आला-फाखा फोरोंगिरिफोरनि सोलायनाय, आधिखालआव गुबुन-गुबुन फरायसालिफोराव फोरोंनाय बायदि गोबां दाबिफोरखों लानानै खुद्रिसारनाय हाबाफारि लानायखों नुनो मोनो मोनो। बे खुद्रिसारनाय हाबाफारियाव मिरु एबसुनि लोगो गहाइ नेहाथारि दिनेश ब्रम्पआ बाहागो लानानै खुद्रिसारनाय हाबाफारिखों थांखिनानै बिबुंधि लाखिनायजों लोगोसे बर' थुनलाइ आफादनि मिरु मावफुं सोद्रोमा शरत रामसियारि भेन्सार फरायसालिनि फोरोंगिरिफोर आरो दख'रा एबसुनि गोबां आफादगिरि नेहाथारि जों लोगोसे सोद्रोमाफोरखों बाहागो लानायखों नुनो मोनो।

54थि बेटालियान एसएसबि बिजनीनि ...

नोगोरारि अन्साइ हाबाफारिनि सिडव 54थि बेटालियन शास्त्र सीमा बलजों मोनसे बेसेन नाडैसुबुं फाहामथाय बाद खुंनया जादों। बे फाहामथाय बादयाव, दि आर्मड फ्रन्टियार फर्स अफ बिजनीनि 54थि बेटालियननि एसिसएन्ट कमान्डेट (मेडिकेल) ७ अभिषेक भरद्वाजआ गासै सा 52 नोगोरारिफोरनि सार्वत्रि फाहामथाय लादों आरो बिसोरनो नोगोरारिफोरनि गेजेराव जानाय बेरामफोर आरो बिसोरनि होबथानायनि बागै फोरमायथियो। बेनि अनगायैबो नोगोरारिफोरनो बेसेन नाडैमुडिलफोर रानाय जायो। बेनि अनगायैबो, नोगोरारिफोरनि गहामनि थाखाय गोनांथार बोसोनफोर आरो सांग्राथि राहा फोरमायथिनायबो जायो। शस्त्र सीमा बल बिजनीजों खुंनयाव बेबादि जौगालु हाबाफोरखों जायगानि गामियारिफोरा जोबोद बाखानायनय फोरमायदों।

(1 बिलाइनिफ्राय)

आसानि बेरेखायै बिबुंधि होनाय दुर्गा हासदानि हँथायै खुद्रिसारदों

गहाइ मावफुं सोद्रोमा दुर्गा हासदानि हँथायै खुद्रिखानानै सांग्राथि होयो। दैदेनगिरिफोर बुडेंदि, दुर्गा हासदाआ आसानि हँथायै जाय गात्रि बिबुंधि होदों बेखों दोलोया गोखों रवजों सांखारिदों। आदिबाशि इन्साइ आरो जौगाखानां गौथुमाव सोमजिनाय गुबुन गुबुन गेना-खान्थिखों लानानै आसाआ सम-सम सोमावसारनाय हाबाफारि लाबोदोंमोन। जायखों लानानै आसानि हँथायै कक्राझारआव बेरेखा बिबुंधि होदोंमोन गहाइ मावफुं सोद्रोमा दुर्गा हासदाआ। गहाइ मावफुं सोद्रोमा हासदाआ बे बायदि बिबुंधि होनायनिफ्राय जानगराव थानांगों, बिथाड आदिबाशि हरिखों दैदेनाय आदिबाशि फरायसा आफादखों लाजिफोनांनयाय हरिखों मान गैये खालामनाय जादों। आसानि सिगाडव निमाहा बिनो थाखाय आफादा बिथानो 7 साननि सम सिमना होदों। फरायसा आफादनि सिगाडव निमाहा बिथाब्ला आफादा गुबुन-गुबुन जिल्लाफोराव गहाइ मावफुं सोद्रोमानि मुसुखा सावनयाजों लोगोसे आदिबाशि फरायसा आफादनि जायखिजाया मेल-मिथिंफोराव बिथानि बाहागो लानायखों होबथानो थांखि लागोनो होनानै दैदेनगिरिफोर हूमखि होदों। मख 'नो गोनांदि, थानयाय 2 जानेवारीआव कक्राझाराव मोनसे हाबाफारियाव बाहागो लानानै खोंरं बिजोंनि सिगाडव आदिबाशि अन्साइ आरो जौगाखानां गौथुमनि गहाइ मावफुं सोद्रोमा दुर्गा हासदाआ हरियारि रावआव गुबुन गुबुन बेरेखा बिबुंधि होदोंमोन।

इन्जिनियारफोरनि फरामआ तिब्बतनि बान्दोखों लानानै ...

सा-सान्जा भारतनि ग्रेजुवेट इन्जिनियारफोरनि मोनसे आफादा। अल आसाम इन्जिनियार एम 'सिएसन (एएइए) आ मोनसे रदाव बिबुंसारनि गेजेरजों गोदान दिल्लीनि मिरु सरकारखों सा-बांग्लादेशजों लोगोसे सान्जा भारत ओन्सोलफोर थानाय गासै बुलुंथुथुर दैमा बेसिनखों रैखाथि होनो थाखाय बेडिंजिनि कमिउनिस्ट खुंथायजों गोखोडे मोगा-मोगि सावरयालयनो खावलायहरो। हरियायारि खोंरं एजेन्सिफोरा फोरमायदोंदि 7 जानेवारी 2025 माइथायाव गोहोगोरा बांघिं आरो आभ्रशकफोरा नेपाल, भटान आरो सान्जा भारतनि माखासे ओन्सोलफोरजों लोगोसे तिब्बतारि ओन्सोलाव (दा चीननि दखलनि सिडव) सौदावहदोंमोन। 7.1 नि गोखेंथिजों (रिक्टरनि मेगनिटिउट स्केलआव) बांघिंआ बाडइ सुबुं अन्जिमा थानाय गोजौ जौथायनि हिमालय ओन्सोलफोराव 3,500 निबो बांसिन न'फोरखोंबो सिलिंखार खालामदोंमोन। बांघिंनि उनाव सा 400 निबो बांसिन सुबुंफोरखों रेखा खालामनाय जादोंमोन आरो सा 30,000 सुबुंफोरखों रेखाथि गोनां जायगायाव बोस्लायनाय जादों, जेराव मिरु थावनिया माउन्ट एभारेस्टनि गुदिनिफ्राय गासै 80 किल 'मिटरा गोजानाव। सा 3 नोना बेडिंजिं खुंथाइजों तिब्बतारव इन्टरनेट सिबिथाया गोबाडैनो होबथाजानाय, गुबै सावगारिया एसे उनाव नुजानो हागौ। 'चीनआ बुलुंथुथुरनि खर'आव मोनसे गिदिर बान्दो बानायगासिनो दं, जाय बोसोरारि 300 बिलियन किल 'वाट-घन्टा मोब्लिव दिहुनानयनि गोहोजों बुहुमनि बयनिखुडुबो देरसिन दै मोब्लिव मावथांखि जानो हागौ, गोदान दिल्लीआ बे आयदाखों गोथौथै साननांगो, चीननि मावख 'गिरिफोरा बाश्रा दानथेलोखाय थादोंदि बेयो गाहायाव थानाय ओन्सोलफोराव मैखोम गोहोम खोखैनाय नड' होनानै एएइएनि आफादगिरि इआर कैलाश शर्मा, मावफुं आफादगिरि इआर नवा जे ठाकुरिया आरो नेहाथारि इआर इनामुल हायआ बुडेंदि जायखिजाया समावनो चीननि मावथांखिनि साखाथियाव मोनसे गिदिर बांघिंआ भारतनि सान्जा ओन्सोलफोरखों लाफानानै गहाय रिपेरियाय थावनिफोराव खहा खालामनो हागौ।

कक्राझारआव मागो 25 दफानि दाबिफोरखों लानानै एबसुआ...

गनायथिनाय, गं 35 गोदान बर' मडेल फरायसालि गायसनाय, सि-टेरिआव राव 1 आव बर' रावखों सोसनाय, आसाम सुडिसियेल सार्षिसआव बर' राव आयदाखों सोसनाय, बर' बिजों फरायसालिनि लांदों जानै थानाय आरो ड्रपआउट मासिफोरखों सुफुंनयाजों लोगोसे बर' बिजोंनि गुबुन गुबुन जेंनाखों सुखानो सरकारनिमिस दाबि देखानायजों लोगोसे बेनि सोमोन्दे जिल्ला बेंगिरिनि गेजेरजों गासै मोन 25 दफानि दाबि गोनां गांसे गोसोखानां लाइखों गिबि मन्थि ७ हिमन्त बिश्व शर्मानिसिम दैथायहरो। सोमावसारनाय हाबाफारियाव बाहागो लानाय एबसुनि गोबां मावथिफोरा आखाइ-आखाइ प्लेकार्ड, फेस्टुन लानानै सोलोंथाइया जौनि मोन्थाइ, बिटिआर गोरबथानि 6.3 दफाखों मावफुंनान्गो, फोरोंगिरिनि लांदों मासिखों सुफुंनान्गो, सरकारि नडै फरायसालिफोरखों सरकारी गनायथिनांगो बायदि स्तगानजों गोखों सोमावसारो। दिनेंनि सोमावसारनाय हाबाफारियाव बर' थुनलाइ आफाद, बर' माज, सरकारि नहै फरायसालिनि फोरोंगिरिफोर बाहागो लायो। गुबुन फारसेथिं, सोमावसारनाय हाबाफारियाव बाहागो लानानै एबसुनि मिरुनि लेडइ आफादगिरि खोरोंमदाव वारीआ बुडेंदि, बिटिआर गोरबथानि 6.3 नं दफानि थाखाय सरकारजों गोबां खेब सावरयायनाय बाहागो लानाय जादोंब्लाबो दिनेंनिमिमबो 6.3 नं दफाया मावफुं जायैया दुखुनांथाव बाश्रा। फोरोंगिरि जेंनाखों सुखानो थाखाय दिनें राइज्यो नाडैनो एबसुनि बान्जायनायाव सोमावसारनाया मावफुं जादों होना फोरमायनानै एबसुनि मिरुनि लेडइ आफादगिरि खोरोंमदाव वारीआ एबसुनि मोन 25 दफानि दाबिफोरखों थाबैनो सुखानो सरकारखों खावलायहरो। भेन्सार फरायसालिफोरा गुनत्सब, सानजौफुनि जाग्रा आदार, फोरोंथाय-सोलोंथाइ बेसाद बायदिनिफ्रायनो जानगराव थानो गोनां जादों आरो बे बायदि सोलोंथायाव जेंना सोमजिदों होना फोरमायनानै बर' बिजोंनि जेंनाखों सुखानायजों लोगोसे एबसुनि गुबुन दाबिफोरखों सुफुंनो सरकारनिमिस खावलायहरो एबसुनि मिरुनि लेडइ आफादगिरि खोरोंमदाव वारीआ।

(1 बिलाइनिफ्राय)

चिरांआव हाग्रानि मोसौनि उदखाराव साब्रै ...

सिभिल देहा फाहामसालियाव दैथाय हरो। गुबुन फारसेथिं गोब्राबे जोखोम जानाय ललित्ता सरकार मुनि आइजोखों गोब्राबे थासारियाव फाहामथायनि थाखाय बडइगावनि गंसे सरकारी नडिदेहा फाहामसालियाव दैथाय हरनाय जादों। मोनानि समाव मानास माहारियारि हाग्रामानिफ्राय ओंखारबोनाय हाग्रानि मोसोआ बिजनीनि आबादिपारा, दासपारा, भावरागुरि ओन्सोलआव हाबनानै गिखंथाव थासारि सोमजिहोदों। हाग्रानि मोसोफोरखों गिनानयनि जाहोनाव आधिखालआव ओन्सोलआव गिखंथाव थासारि सोमजिदों।

गिबि मन्थि ७ हिमन्त बिश्व शर्मा आरो मिरु मन्थि जेपि नाड्डाआ दरं जिल्लायाव ...

फाहामथाय बिरोंदामिन, गोजौ थाखोनि इन्टेन्सिप केयार इउनिट आरो जरखा देहा सिबिथायनि खाबु थागोन। बेखों लोब्बा लानानै खुंनयाव हाबाफारियाव गिबि मन्थि ७ शर्माआ मिरु देहा मन्थि जेपि नाड्डाखों दरं जिल्लानि राइजो-रजाफोरनो क्रिटिकेल केयार ब्लक अन्थोब होनायनि थाखाय साबायब'र बावनानै बुंदोंदि, राइज्योआव बेबादि रोखेमनि गं 28 क्रिटिकेल केयार ब्लक गायसनाय जागोन। गिबि मन्थिआ बुंदोंदि, गहाइ मन्थि नरेन्द्र मदिनि दैदेनायाव दरं जिल्लानि जौगाखानाय दावबायनाया गोखेंथिखों मोनो हादों। रेंगौथि मुलुगसोलोंसालिनि अनगायैबो राइज्यो सरकारआ दरं जिल्लायाव गंसे फाहामथाय फरायसालिमा गायसनो सिगादों। बेनि अनगायैबो लामा फोनांजावनायनि बिथिडव बाइहाता फरायसालिनिफ्राय तेजपुरसिम माहारियारि रजा लामानि गासै बाहागोखों 4 लेन गोनां खालामनाय जागोन। बेनि सोमोन्दे गिबि मन्थिआ बुंदोंदि, मिरु मन्थि जेपि नाड्डानि दैदेनायाव नामरुपआव थानाय ब्रह्मपुत्र सेरफं हासरा निमम लिमिटेडनि गोहो फेहेलानाया राइज्योनि रेंगांथिनाय जोदों। गिबि मन्थिआ गिबि मन्थिजों आसाम सरकारनि रेंगौथि, थिसन्थाय आरो इन्ट्रेप्रायनरशिप बिफाननि सिडव मंगलदैआव लुबाय थानाय आसाम रेंगौथि मुलुगसोलोंसालिखों गायसदों। एसियाय डेभेलभमेन्ट बैंकनि 1016 कौटि रॉनि अनुसंधानजों लुबाय थाजानाय बे मुलुगसोलोंसालिया सा-सान्जानाडैनि गोजौ सोलोंथायजों जुथयै रेंगौथि आरो इन्ट्रेप्रायनरशिपआ फोसावजागोन। रेंगौथि जौगाखानाय फराफारि मावफुं जानो गोनां गुबुन गुबुन खोन्दोनि गं 9 फरायसालि आरो मोनब्रै जौ थोखोनि मिरु थानो गोनां बे रेंगौथि मुलुगसोलोंसालिया भावतजों लोगोसे धुपान, बालादेश, नेपाल आरो एसियाय रेंगांथिनाय गोनांथिजों सोमोन्दे गोनां जानाय बायदि लाइमोन जोलैनि रेंगौथि जौगाखों होनायनि अनगायैबो 2028 माइथायनि गेजेराव बाडइइयेबो 10 रोजा फरायसाफोरनो रेंगौथि होनायनि थांखिखों थि खालामदों। आधिखालाव मुलुगसोलोंसालिनि लांगोनायाव गुदि बिथाजों लोब्बा गोनां गुबुन गुबुन लुनानयनि खामानिया सोलागासिनो दड। मिरु मन्थिआ गिबि मन्थि ७ शर्माजों लोगोसे 15 नं माहारियारि रजा लामायाव लुजाबाय थानाय मंगलदै बायपासनि खामानिफोरखोंबो नायसंनानै मिबथिना लोदों। गासै 535 कौटि रॉ बहायनायजों लुजानाय 15 किल 'मिटरा गोलावनै बे सिबिथिखों 2022 माइथायनि 30 मार्चआव गनायथिनाय जादोंमोन। बे बायपासआ दावबायनायनि समाजौ बाडइ खालामनायजों लोगोसे ओन्सोलाव हान्था-मेलानि जेंनाखोंबो बाडइ खालामनायाव हेफाजाब होगोन। नायसंनय समाव मिरु मन्थिआ सिपाझार दख'रा गुदि देहा मिरु आरो एफआइउआव नुजाफेनानै देहा मिरुनि सिबिथाय होनायजों लोगोसे गुदि बिथाफोरखों मिबथिना लायो। मिरु देहा मिरु आरो गिबि मन्थिनि मंगलदै नायसंफैनाय समाव राइज्यो सरकारनि मन्थि फारियै- अशक सिंहाल, केशव महन्त आरो प्रशान्त पुकन, एमपि दिलिप शइकिया, एमएलए परमानन्द राजबंशि, बसन्त दास, बार' एमएलए रुपन्वति दास, फाहामथाय सोलोंथाय आरो संदानाग्रा बिफाननि कमिसनार नेहाथारि सिधार्त सिं, रेंगौथि, थिसन्थाय आरो इन्ट्रेप्रायनरशिप बिफाननि गहाइ नेहाथारि बि कल्यान चक्रबर्ति, आसाम केन्सार केयार फाउन्डेसननि गहाइ मावफुं बिबानगिरि डा. जयप्रकाश प्रसाद, बिथांखि बिथोनिगिरि गौतम सिन्तेमोनजों लोगोसे राइज्यो सरकारनि गुबुन गुबुन बिफाननि गोजौ थाखोनि बिबानगिरिफोरा बाहागो लाफेदों। गुबुन फारसे कामरुप जिल्लानि चांसारिआव थानाय एम्स गुवाहाटीआव फेनानै मिरु देहा मन्थि नाड्डाआ गिबि मन्थि ७ हिमन्त बिश्व शर्माजों देहा फसंथाननि गुदि बिथा आरो सिबिथायजों लोब्बा गोनां गुबुन गुबुन आयदाफोरखों थोंजों नायसडो। मिरु मन्थिआ देहा फसंथानाव मोनसे सावरय जथुमावबो बाहागो लानानै फसंथाननि सोलोंथायारि आरो गुदि बिथानि खामानि-दामानिफोरखों मिबथिना लायो। जथुमाव गिबि मन्थि ७ शर्मांआ मिरु देहा मन्थि एम्स गुवाहाटीआव बेराम नायनायनि थाखाय अर्पिडनि अन्जिमाखों बांहोनायजों लोगोसे लुबाय थानाय आरो आधिखालाव आबुं जायै गुदि बिथानि खामानिफोरखों गोखेंथै आबुं खालामनो थाखाय नांगो बायदि थांखि लानो खावलायो। बे नायसंनय समाव आसाम सरकारनि मन्थि अशक सिंहाल, एमएलए आरो बिजेंगिरि राइज्योआरि आफादगिरि आरो भवेश कलिता आरो एमएलए डिान्त कलिता एम्स गुवाटीनि मावफुं बिथोनिगिरि अशक पुपनिफोनाने बाहागो लाफेदों। मिरु मन्थिआ लोगोसेनो आमिनगावआव थानाय बेटमिन्टन एकाडेमिखोंबो दिनें नायसंफेदों।

सा 3 नो लाइमोन दैदेनगिरिफोरा राइज्यो

बेंगिरिखों लोगो हमहैदों

लाइमोनफोरा मा गोनां बिफाव लानो हायो बेनि सायाव गोसो होयो। बिथाड बुंदोंमोन, 'नोथानि गोदान सानस्विफोर आरो गोदान नोजोरथिफोरा मोनसे जौगानाय हादत जानायनि फारसे भारतनि दावबायनायाव मख'जाथाव बिहोमा होगोन। बे हादतनि लाइमोनफोरा भारतखों विश्वगुरु महेरै गावनि गोगानायखों मोनफिनायनि फारसे लांनो गोहो दं। राइज्यो बेंगिरिया लाइमोन दैदेनगिरिफोरनि सिगाडव भारतनि गिनान आरो गिनाननि धोनि उनमोनथाइखों नोजोर होनानै बुडोदि, 'भारतखों जेब्लाबो मुलुगनां गिनाननि गोहो महेरै सिनायथि होनाय जायो, जायखों गावनि आदर्शफोर जायो जेउ खुंनयायनि थाखाय मान होनाय जायो। आधिखालाव मुलुगा बै हुदाफोरखों नाजावगासिनो दं जायखों भारतआ जौथाय बोसोरनिफ्राय लाखिबोदों। बेयो नोथानि थाखाय हादत आरो आसाम मोनैनिबो थाखाय गोग्गानाय लाबोनो थाखाय गावनि रेंग 'थि, गोहो आरो थिरांथाखों दिन्थिनानयि बुब्लि'। लाइमोन दैदेनगिरिफोरखों श्लुगा होनानै राइज्यो बेंगिरिया बिथामोनखों गिदिर सिमां नुनो आरो राइज्यो आरो हादत मोनैखोंबो मुलुगनां सिनायथिनि थिखिनियाव दोनो थाखाय खामानि मावनो खावलायो। बे हाबाफारियाव राइज्यो बेंगिरिनि कमिसनार आरो सेक्रेटारि एस एस मिनाक्षी सुन्दरम, गेलेमु आरो लाइमोन अन्साइ नेहाथारि कौशर जे हिलालो आरो राजभवन आरो गेलेमु आरो लाइमोन अन्साइ बिफाननि गुबुन बिबानगिरिफोरा बाहागो लायो।

मिरु मन्थि जे पि नाड्डाआ लकप्रिय गपिनाथ

बरदलै ओन्सोलारि मेलेमारि देहा फसंथाननि...

गधानसंनि जथुमावबो मासिगिरि महेरै बाहागो लायो। फसंथाननि लेडइ मासिगिरि महेरै ७ शर्मांआ बे जथुमाव बाहागो लायो। दिनेंनि बे हाबाफारियाव देहा आरो नख'र अन्साइ मन्थि अशक सिंहाल, एमपि रन्जित दत्त, एमएलए पृथ्वीराज राभा, कृष्ण कमल तान्ति, गनेश लिम्बुनि अनगायैबो देहा आरो नख'र अन्साइ बिफाननि उफ्रा सेक्रेटारि एलएस चांसनजों लोगोसे माखासे गोजौ थाखोनि बिबानगिरि आरो गुवाहाटी मुलुगसोलोंसालिनि भाइस चेन्सेलर ७ ननिगपाल महन्तआबो बाहागो लायो।

मिरु एबसुनि खुंनयाव मिरु रेंगसा सायख'

आन्जाद-2024 नि फिथाइखों फोसावबाय

फिथाइआव थाखो 10 नि टप-3 आव जायगा आवग्रिनो हानाय फरायसाफोय जावय फारियै- बाक्सा जिल्ला मेधाघाटनि बाथौ आस्त्रम गोजौ फरायसालिनि फरायसा मितिसार स्वर्गियारिआ 169 नम्बर (84.5 जौखोन्दे)जों सैथि, तामुलपुर इउएन एकाडेमिनि नयनमनि बर'आ 168 नम्बर (84 जौखोन्दे)जों नैथि सारि आरो मेधाघाट बाथौ आस्त्रम गोजौ फरायसालिनि फरायसा जन बर'आ 167 नम्बर (83.5 जौखो

गाहाम देहानि राहा

अमिक्रननि अलखदनिफ्राय बारग 'नो थाखाय मैथुनि बिदौलोनो हागोन



जेंनानिफ्राय रेहाय होयो। (3) मैथु बिदै लॉनायजों के नसार बाइदि बेमारनि सन्देहखौबो बाइइ खालामनो हागौ। मैथुनि जुसआ प्रस्टेट आरो उदैन के नसारनिफ्राय रैखा खालामनायाव मदत खालामो।

करना भाइरासनि गोदान भेरिएन्ट अमिक्रनखौ लानानै अलखदआ बांगसिनो दड। भारतनि दर 16 राइज्योफोराव अमिक्रननि केस मोन्नाय जादों। जॉनि थाखाय करनानिफ्राय रैखा मोन्नो थाखाय गावनि देहानि इमिडनिटिखौ गोखोडै लाखिनाया गोनांथार। इमिडनिटिखौ बांहोनो थाखाय जों गावनि जाग्रा आदाराव माइक्रु निउट्रिएन्टसनि बिबांखौ बांहोनांगोन। बेनि थाखाय जों जाय बेसादआव बेमारजों जुजिनो हानायनि गोहो थायो बेबायदि मुवा-बेसादफोरखौ जानांगौ। बेबायदियाव मैथुआ जॉनि देहानि इमिडनिटिखौ बांहोनायाव गोबां बान्जायजाथाव महरै फोरमान जायो। अदेबानि गोथां आरो गोमोन मैथुआ मोनैबो देहानि थाखाय जोबोद मुलाम्फा गोनां

(4) मैथुयाव थानाय पेपेन मुनि गुनआ मोखानि गोथै जिबखिफोरखौ फोजोबो। बेनि खायनो मैथु बिदै लानायजों मॉखानि सिथर आरो दागोफोराव मुलाम्फा मोनो। (5) मैथु बिदै लानायजों ब्लाड प्रेसारआ कन्ट्रलाव थायो आरो बेजों बिखाजों सोमोन्दो थानाय बेमारफोर जानायनि सन्देहया बाइइ जायो। (6) मैथु बिदै लोनयजों पिस्टिसनि समाव उन्दै सानायनि जेंनाय जानगार जायो। नाथाय प्रेगनेट जानाय आइजोफोर मैथु बिदैखौ लॉनो नाड। (7) मैथु बिदैआ उदैन जेंनाफोरवबो मुलाम्फा होयो। बेनि बिदैजों उदैयाव आल्सारनि जेंनाय जानगार जायो। बेयो उदैयाव मोनग्रा एम्फौफोरखौबो बाइजोआव दिहुनहरो। (नट : बेयाव होनाय राहाखौ आजावना लानायनि सिगां डाक्टरनि बोसोन लाग्रो)।

फावरखुंगुर अजित कुमारआ रेशिं प्रेक्टिस खालामबाय थानाय समाव एक्सडेन्ट जादों



साउथ सावथुनफोरनि मुंदांखा फावरखुंगुर अजित कु मारआ आथिखालाव दुबाइआव 24 घन्टानि खारनायाव बाहागो लानो थाखाय बेवहाय सौहैनानै दं। बे रेसखौ 24 एच दुबाइ 2025 मुडैबो मिबथिनाय जायो। अदेबानि फावरखुंगुरजों बेव मोनसे गोमोथावना जाथाय जादों। 6 घन्टा गोबाव टेस्ट सेशननि गेजेरजों अजितनि कारआ बेरियरजों सौग्रावहैयो आरो बिथांआ एक्टिडेन्ट जायो।

मिबथि होनाय जायोदि, अजित कुमारआ अजित रेशिं टिम मुनि मोनसे टिमनि बिगुमा। बिथांआ गावनि गुबुन सा 3 लोगोफोर मैथु डेट्टि, फैबियन डफिक्स आरो केमरुन मैकलियडजों लोगोसे बे रेसआव बाहागो लानो थाखाय थियारि जादों। मख 'नो गोनांदि, फैबियन डफिक्सआ थानाय बोसोरनि डिसेम्बरआव अजित कुमार रेशिंनि टिम मेनेजारनि महराव बिबानखौ सामलायदोंमोन। शेयार खालामनाय भिडिअयाव

अजितनि कारआ बेरियरजों सौग्रावनायनि उनाव 6 खेब गिदोंदों। बेनि उनाव बिथांखौ थाबै नो रेस्क्यु खालामना एम्बुलेन्सजों देहा फाहामसालियाव लानाय जायो। बेनि थाखाय बिथांआ गावनि रेशिं कारखौ गुफुर आरो गोजा गावनि टीम होदों आरो बेनि सायाव गोमो गावनि बिलाइफोर दं। रेशिंनि थाखाय अजित पर्सचि जिति 3 आर एसआ इडिअ खालामदोंमोन। बे कारआ खमैबो 3.2 सेकेन्डआव

उदित नारायणनि बिल्डिंआव गिखंथाव अर नादों

मुम्बाइनि अन्धेरि वेस्टआव देंखोगिरि उदित नारायणनि बिल्डिंआव समबारखालि मोनायाव गिखंथाव अर नादोंमोन। अन्धेरि वेस्टनि शास्त्रि नगराव देंखोगिरिनि बिल्डिं स्काइपेनेल एपार्टमेन्टआव मोनानि 9:15 रिगासोआव अरआ नादोंमोन। जाथायजों लोब्बा थानाय माखासे भिडिअफोरा सशेल मिडियाआवबो सोरांआव फेदोंमोन, जाय बे बाथानि फोरमानमोनदि, जाथाया थारैनो



जोबोद गोब्रावमोन। जाथायाव उदित नारायण एबा बिथांनि नख 'रनि सोद्रोमाफोरा रावबो जेबो खहा जायाखै। नाथाय बे जाथाया बिथांमोननि गोसोआव

गोहोम गोग्लैदों। खौरांनि बायदिब्ला, 4 घन्टा उनाव हर गेजेरनि 1:49 रिगासोआव अरखौ खोमोरनो हादोंमोन। उदित नारायणआ मिडियाजों

स्पाइडार-मेन स्टार कापल टम हलेन्ड आरो जेन्डया आथिखालाव खौरांआव थादों

स्पाइडार-मेननि स्टार कापल टम हलेन्ड आरो जेन्डया आथिखालाव खौरांआव थादों। बे खेबाव कापलनि लाइमलाइटआव फैनयनि जाहोनानो जादों बिथांमोननि आस्थाम सोलायनाय। 5-6 जानुवारीखालि गल्डेन ग्लब एवार्डनि खौरांआ फारफोमथिंबो गोसारदोंमोन आरो बेखौ लस एन्जिल्सआव खुंफुं नाय जादोंमोन। बेनि गेजेराव इभेन्टआव हलिउड आरो गासै हादतनिफ्राय फिल्म इन्डास्ट्रिजों लोब्बा थानाय सुबुंफोरा बेव सौहैदोंमोन। फावगिरिफोरा जेराव गावनि एक्टिनि थाखाय आरो सावथुननि थाखाय बान्था देरहादोंब्ला, फारसेथिं फावरखुंगुर



जेन्डयानि लाभ लाइफआ सशेल मिडिया खौरांआव थादों। एवार्ड फांक्सनि गेजेरजों जेन्डयाआ जेब्ला रेड कार्पेटआव फेयो, अब्ला सुबुंफोरनि नोजोर बिथांनि डाय मन्ड आस्थामनि सायाव गोलैदों। बेनि उनाव बिथांनि

आरो फावरखुंगुर टम हलेन्डनि आस्थाम सोनायनि खौरांआ गोखैयै गोसारदों। गल्डेन ग्लब एवार्डआव जेन्डयाखौ बेस्ट फावरखुंग्रिनि थाखाय नमिनेट खालामनाय जादोंमोन, बेनि गेजेरजों फावरखुंग्रिखौ अरेन्ड गावनि शिमरि ड्रेसआव नुनो

मोन्दोंमोन। फांक्सनि सावगारिया जेब्ला अन्साइगिरिफोरनिमि सफैयो अब्ला जेन्डया आरो टमनि आस्थाम सोनायनि खौरांआ गोखैसिनै गोसारनो हमो। अदेबानि, टिएमजेडनि रिपर्टआ बे खौरांखौ रोखा खालामना

होदों। रिपर्टआव मिबथि होनाय बायदिब्ला, जेन्डया आरो टमआ सानैजों 2021 माइथायनिफ्रायनो डेट खालामलायदोंमोन आरो बिथांमोनहा गावसिनि आस्थाम सोनायखौ जोबोद प्राइभेट दोन्नो लुबैदोंमोन। टिएमजेडनि सुलुनि बायदिब्ला, क्रि समासनि खाबुआव टमआ जेन्डयाखौ प्रपज खालामदोंमोन। अदेबानि आमेरिकाआव जेन्डया फेमिलि हमाव फावरखुंगुरआ हान्थु खरायनानै सावथुननि थाखाय प्रपज खालामदोंमोन। बे रिपर्टआव बेखौबो बुंनया जायोदि, टमआ आस्थाम सोनायनि थाखाय जोबोद गिदिरि स्व 'प्लान खालामाखैमोन, अदेबानि जोबोद सिम्पल आरो प्राइभेट दोन्दोंमोन।

बिग बस 18 नि कन्टेस्टेन्ट रजत दालालनि जिउनि रां आरजिनायनि सायाव माखासे बाथा बेरखांदों

बिग बस सिजन 18 उदुनारखौ थाबैनो मोनसिगोन। स्व 'आव अन्साइगिरिफोरनि नोजोरा थाबथानानै दं। आथिखालाव स्वनि टप कन्टेस्टेन्टनि बाथा सावरायोब्ला भिभियन डिसेना, करणभिर मेहरा आरो रजत दलालनि मुंआ थारैनो थागोन। न 'खौ सोमावगुंनो हानाय रजत दलालनि पार्सनेल लाइफआ



जोबोद मुजिथावना। हरियाणा राइज्योनि फरिदाबादिनि थागिबि रजत दलालआ सासे फिटनेसनि कच। रजत दलालआ गावनि खौरांआव थानाय लाइफजों सुबुंफोरनि गेजेराव साग्लोबनानै थायो। रजत दलालनि मुंआ आथिखालाव माबेबा नडा

माबेबा मोनसे जेंनायाव फैबाय थायो। सानसेखालि बिथांआ रेश इडिअं खालामनायनि दाय जाबसिन जादोंमोन, बिथांआ बाइकखौ सौखलाय लांदोंमोन आरो जायखौ सौखलाय लांदों बेखौ नायनोबो थांफिनाखैमोन। बेल' नड बिथांआ सासे 18

मोन्दांखा हाँवासाजों खमलायदोंमोन। गावनि लाइफनि जेंना आरो लान्थियै सशेल मिडियानि ट्रेनिंङआव थानाय उनाव रजतआ बिग बस 18 आव अफार मोन्दोंमोन। स्व 'आव गावनि आलादा स्टाइलजों गोसारनै दं। बिथांआ लान्थियै सशेल मिडियाआव ट्रेन्डबो खालाम गसिनो दं। सुलुनि बायदिब्ला, रजतनि बांसिन रां आरजिनाया गावनि जिम आरो फिटनेस ट्रेनिंङनिफ्राय फेयो। मिडिया रिपर्टसनि बायदिब्ला, रजतनि गासै सम्पतिआ 16.8 कौटि रांनि खाथियाव दं। स्व 'आव फैनयनि

उननिफ्राय बिथांनि पपुलेरिटीआ गोबां बांदों। सशेल मिडियाआव बिथांजों लोब्बा थानाय कन्टेन्टआ गोखैयै शेयार खालाम जादों। बिथांनि बे बायदि अन्साइ जानायनि उनाव माखासे फेमास ब्रान्डजों लोगोसे खामानि मावनायनि खाबु मोनगोन। जेंनाफोरजोंबो रजतहा गोजाम सोमोन्दो दं। सानसेखालि बिथांजों आरो फेमास इडुबार केरि मिनाटिनि गेजेराव खुद्रिलायनाय जादोंमोन। बबेखानि बेबायदि जेंनाफोरनि जाहोनावबो रजतआ बिग बसनि न 'आव गावनि जर'खा सिनायथि बानायनो हादों।

केजिएफनि मुंदांखा रकिं स्टार यशानि 39 थि जोनोम सानाव मोनसे अन्थोब फेदों

रकिं स्टार यश जाय सिमाफोरखौ सिफायदों आरो केजिएफ फ्रेन्वाइजिजों लोगोसे भारतीय सिनेमाखौ फिन खेब रोखा खालामदों, बिथांआ 39 बोसोर बैसोनि जाबाय। बिथांनि जोनोम सानआव बिथांनि सावथुन 'टक्सिक-ए फेयरीटेल फर ग्रन-आप्स' निफ्राय जोनोम साननि सावगारिखौ भिडिअनि महराव मोनसे अन्थोब फेदों। जोनोम साननि सावगारियाव यशआ गुफुर गावनि सुट फेड्या लानानै जोबोद मोजाडे एन्ट्र लायो। अदेबानि क्लाबआव बे 'ए फेयरीटेल फर ग्रन-आप्स' नि थाखाय जौस्रांखौ थियारि खालामो। यशआ जेब्ला गावनि रॉग 'थिखौ दिन्थियो अब्ला बयनिबो नोजोर बिथांनावनो थाबथायो। 'टक्सिक-ए फेयरीटेल फर ग्रन-आप्स'



सावथुना मोनसे औरैबायदि सल' जाय नेम खात्थिफोरखौ सिफायो आरो जॉनि सिंआव सोलिबाय थानाय गोहोखौ सिरि मोनहोनो

थाखाय खोथा होयो। वेंकट. के. नारायण आरो यशनि गेजेरजों केविपन प्रडाक्सस आरो मनस्यर माइन्ड क्रिएसन्सनि गेजेरजों जयै

बानायनाय, टैक्सिक:ए फेयरीटेल फर ग्रन-आप्सनि डायरेक्सनखौ हारिमायारि थाखोयाव अन्साइजानाय गितु महनदासआ बे सावथुनखौ बिथोन होदों। हादतयारि बान्था आरो सनडन्स फिल्म फेस्टिभेलआव ग्लबेल फिल्ममेकिं एवार्डजों लोगोसे माखासे बान्थाफोरजों मान बाउजानाय, गितु महनदासआ मोनसे साबसिन एन्टारटेन होनायनि खोथा होयो।

बिग बस 18 आव अरुनाचलनि कन्टेस्टेन्ट चुम दरंआ खौरांआव गोसारना थादों

बिग बस 18 नि कन्टेस्टेन्ट चुम दरंआ आथिखालाव खौरांआव दड। करणभिर मेहराजों लोगोसे बिथांनि मोजां मोन्नायनि खौरांखो बयबो मिबथिखागौ जानांगौ। सशेल मिडियाआवबो चुम दरंआ गोसारनानै दड। अदेबानि आथिखालाव बिथांनि मोनसे गोजाम भिडिअआ गोखैयै भाइरेल जागासिनो दड। बे भिडिअआव बिथांनि किउट स्टाइलखौ नुनो मोन्दों। चुम दरंआ बलिउडनि माखासे सावथुनफोरव फैनयनि सिगां अरुणाचल प्रदेशनि दोंसे मेथाइयाव नुजाथिदोंमोन। बे भिडिअखौ सुबुंफोरा खनले-खनले नायदों आरो सुबुंफोरा चुमनि समाइना महरखौ बयबो बाखायदों। इन्स्ट्रग्रामव शेयार खालामनाय बे क्लिपआ 2021 आव रिलिज जानाय 'सियां आरो रे पासिघट' मेथाइनि। बे

मेथाइया खमैबो 12 मिनिट गोलाव आरो बेयाव गुबुन माखासे फावरगिरिफोरबो दड। मेथाइयाव चुमखौ अरुणाचल प्रदेशनि ड्रेस गानानै समाइना मिथिंगानि गेजेराव मोसनाय नुनो मोन्दों। पस्टआव कमेन्ट होनानै सासे अन्सायगिरिया बुजेदि, 'चुमआ थारैनो जोबोद समाइना।' गुबुन सासेया लिरोरिदि, बिथांनि थारैनो जोबोद अनथावथाव। बिथांनि बायदि समाइना आइजो माब्लाबाबो नुफेराखै।' चुमआ थानाय माखासे बोसोरव माखासे बिउटि टाइटेल्बो देरहानो हादों। बेनि उनाव मिस नर्थ इस्ट डिभा 2014 नि फाइनलिस्टबो जादों। बिथांनि मिस हिमालय पेजेन्ट 2015 आव सेकेन्ड रनार-आपबो जादों। चुमआ मिस आर्थ इन्डिया 2016 आरो मिस एशिया वर्ल्ड 2017 आवबो भारतखौ दिन्थिदोंमोन। बिथांनि मिस टियारा इन्डिया इन्टरनेशनल 2017 खौ देरहादों। 2020 माइथायाव चुमआ प्राइम भिडिअनि 'पाताल लोक' निफ्राय गावनि एक्टिं केरियारखौ जागायदोंमोन, जायखौ अबिनास एरुण आरो प्रसित रायआ बिथोन होदोंमोन। बिथांनि सन्जय लिला भन्सालिनि 'गंगुबाइ काटियावाड़ी' आवबो नुनो मोन्दों।

मेथाइयाव चुमखौ अरुणाचल प्रदेशनि ड्रेस गानानै समाइना मिथिंगानि गेजेराव मोसनाय नुनो मोन्दों। पस्टआव कमेन्ट होनानै सासे अन्सायगिरिया बुजेदि, 'चुमआ थारैनो जोबोद समाइना।' गुबुन सासेया लिरोरिदि, बिथांनि थारैनो जोबोद अनथावथाव। बिथांनि बायदि समाइना आइजो माब्लाबाबो नुफेराखै।' चुमआ थानाय माखासे बोसोरव माखासे बिउटि टाइटेल्बो देरहानो हादों। बेनि उनाव मिस नर्थ इस्ट डिभा 2014 नि फाइनलिस्टबो जादों। बिथांनि मिस हिमालय पेजेन्ट 2015 आव सेकेन्ड रनार-आपबो जादों। चुमआ मिस आर्थ इन्डिया 2016 आरो मिस एशिया वर्ल्ड 2017 आवबो भारतखौ दिन्थिदोंमोन। बिथांनि मिस टियारा इन्डिया इन्टरनेशनल 2017 खौ देरहादों। 2020 माइथायाव चुमआ प्राइम भिडिअनि 'पाताल लोक' निफ्राय गावनि एक्टिं केरियारखौ जागायदोंमोन, जायखौ अबिनास एरुण आरो प्रसित रायआ बिथोन होदोंमोन। बिथांनि सन्जय लिला भन्सालिनि 'गंगुबाइ काटियावाड़ी' आवबो नुनो मोन्दों।



बेंगुरा सुबुंफोरनि सेम्पियन्स ट्रफीआव बाहागो लानो भारतनि हान्जाया साखा-फारा

गोदान दिल्ली, 8 जानुवारि: देहायारि महैर लोरबां सुबुंफोरनि सेम्पियन्स ट्रफीनि थाखाय भारतीय हान्जानि स्कवाडखौ सिगां समावनो फोसावनाय जादों। जायनि फारिआव भिक्रान् रबिन्ड केनीआ केपेन आरो रबिन्ड गपिनाथआ लेडइ केपेन महैर सायख'जादों। फास्ट क्लास क्रिकेटनि बारग' क्रिकेटर आरो गाहाइ कच रहित झलानीनि दैदेन्नायाव जयपुरआव खुंजानाय ट्रेनिं केम्पनि उनाव हान्जाखौ सायख'दों। जेराव बे ट्रफीआ श्रीलंकायाव खुंजानो। जायनि थाखाय भारतनि हान्जाया गावसोरनि दावबायनाय



अभियानखौ जागायबाय। श्रीलंकायाव फेगौ 12 जानुवारिनिफ्राय खुंजानो गोनां टुर्नामेन्टनि समाव भारतआ इलेन्ड, श्रीलंका आरो पाकिस्तानबादि गोखौं हान्जाजों बादायगोन। बेनि सायाव डिस्सिसिआइनि नेहाथारि रभिकान्त चौहानआ गोखौं सायख'नाय हाबाफारिनि गेजेरजों हान्जायाव

गेलेगिरिफोरनि खबु होनायखौ फोरमायदों। जेराव बिथाडा हान्जानिफ्राय टुर्नामेन्टआव मोजाडै दिन्थिफु'गोनखौ मिजिंधिदों। बे समाव बिथाडा हान्जानिसिम गहाम हामलायथि हरदों। लोरबां गेलेगिरिफोरनि थाखाय बे टुर्नामेन्टखौ 2019 नि उनाव गिबियै खुंफु'नाय जागोन, जेराव भारतआ पाकिस्ताननि हेंथायै टुर्नामेन्टआव

गावसोरनि अभियानखौ जागायगोन। 12 जानुवारिआव पाकिस्तानजों बादायनायनि उनाव 13 जानुवारिखालि भारतआ इलेन्ड आरो 15 जानुवारिआव श्रीलंकाजों बादायगोन। बेनि उनाव 16 जानुवारिखालि फिन पाकिस्तानजों आरो 18 जानुवारिआव इलेन्डजों बादायनायनि उनाव 19 जानुवारिखालि श्रीलंकाजों गेलेगोन। जेराव भारतनि हान्जाया मोनफ्रोम हान्जाजों खेबनैयै मेच बादायगोन। बे टुर्नामेन्टनि फाइनाल मेचआ फेगौ 21 जानुवारिआव जाहैगोन।

निरज चप्राआ सोलिफु बोसोराव जर'खायै दिन्थिफु'नायनि थांखिआव दड

गोदान दिल्ली, 8 जानुवारि: जेभलिन स्टर निरज चप्राआ भारतनि मुंदांखा जेभलिन जेभैग्राफोरनि गेजेराव जायगा मोनो। बिथाडा टकि य अलिम्पिक 2020 आव सना आरो पेरिस अलिम्पिक 2024 आव सिल्लार मेडेल देरहादों। बिथानि अनगायै मनु भाकर, पिभि सिन्धु आरो शुशिल कुमारआबो उदांसि भारतआव अलिम्पिकआव गनैयै मेडेल देरहाखांबाय। निरजनि फिटनेसआ सोलिफु समाव मोजाडै-नो दड। जेराव बिथाडा गावनि रंगथिजोंनो भारतीय जेभलिननि फोथारआव जर'खा मुं आर्जिनो हादों। भारतआ



सोलिफु बोसोरनि जोबनायर्थि जेभलिन टुर्नामेन्ट खुंफु'नो थिरंथा लादों। जेराव निरज चप्राआबो बाहागो लागोन। भारतीय एथलेटिक्स फेडरेसनआ फोरमायनाय बादिब्ला, फेगौ सेप्टेम्बर दानआव जेभलिन टुर्नामेन्टखौ बान्जायनो जान्जि खाफ्रादों। जेराव निरजजों लोगोसे गोबां स्टर गेलेगिरिफोरबो बाहागो लाफेदों। 2029 आव जानो गोनां वर्ल्ड सेम्पियन्सपखौबो भारतआ बान्जायगोन। एथलेटिक्स फेडरेसन अफ इन्डियानि आफादगिरि आदिल सुमरिवालाआ 2029 नि वर्ल्ड सेम्पियन्सप आरो 2027 आव

जानो गोनां वर्ल्ड रिसे टुर्नामेन्टखौ बान्जायनो थियारि जानायखौ फोरमायदों। फेडरेसनआ थांनाय बोसोरनि नभेम्बर दानआव वर्ल्ड एथलेटिक्सनि आफादगिरि सेभेस्टियाननि भारतसिम दावबायनाय समाव 2028 वर्ल्ड सेम्पियन्सपखौ बान्जायनो दाबि दैखादों। सुमरिवालाआ फेडरेसननि बोसोरि जथुमनि गिबि सानआव भारतनिफ्राय सोलिफु बोसोरनि जोबनायाव जेभलिननि मोनसे टप टुर्नामेन्ट बान्जायनो थियारि जानायखौ पोरमायदों। जेराव मुलुगनि गोबां स्टर गेलेगिरिफोरा बाहागो लानायनि सारिआव निरजआबो थाफागोन।

इन्डिया अपेन सुपार 750 बेडमिन्टन टुर्नामेन्टआ जागायनायनि लामायाव

गोदान दिल्ली, 8 जानुवारि: इन्डिया अपेन सुपार 750 बेडमिन्टन टुर्नामेन्टआव बे खेबआव भारतनिफ्राय सा 20 गेलेगिरिफोरनि हान्जाया ओंखारगोन। जेराव थांनाय सिजनआव भारतनिफ्राय सा 14 गेलेगिरिफोरा गावसोरनि सेलेन्जखौ लाखिदोंमोन। लक्ष्य सेन आरो पिभि सिन्धुआ भारतनि जानानै हान्जाखौ दैदेनगोन। फेगौ 14 जानुवारिनिफ्राय गोदान दिल्लीनि इन्दिरा गान्धी स्टेडियामनि केडि यादव इन्डर हलआव जागायनो गोनां बे टुर्नामेन्टआव अलिम्पिक



सेम्पियन भिक्टर एक्सेल्सन, एनसे यां आरो मुलुगनि नम्बर 1 गेलेगिरि सि युकीमोनबादि सुपारस्टार गेलेगिरिफोराबो बाहागो लाफेगोन। बेनि सायाव भारतीय बेडमिन्टन फेडरेसननि गाहाइ नेहाथारि सन्जय मिश्राआ गोबां भारतीय गेलेगिरिफोरनि

बाहागो लागोनखौ फोरमायनायै बेनिफ्राय भारतनि बेडमिन्टनआव जौगानाय फेनायखौ हमदांनो हायो होन्ना फोरमायो। जेराव बेबादि बाहागोदाखिखौ हारिमायारि थाखोआव भारतीय बेडमिन्टननि सौहैनायनि मोनसे मोजा इसा

होन्ना फोरमायो। जेराव बिथाडा 2025 आव भारतनि मोजाडै हान्थिनो हागोनखौ मिजिंधिदों। हौवाफोरनि डबल्सआव सिरग-सात्विकसाइराजनि जराआ भारतनि हौवाफोरनि जावजाखौ दैदेनगोन। बिसोर सानैनि जराआ थांनाय बोसोराव फाइनालआव सौहैदोंब्लाबो सेम्पियन जानायनि ट्रफीखौ दैखांनो हायाखै। पेरिस अलिम्पिकनि समाव जोखोमनि जाउनाव सात्विकआ गोबां मेचआवनो ओंखारनो हायाखैमोन। बिथाडा थांनाय बोसोरनि 22 डिसेम्बरखालि हाइद्राबादनि बेंकट दत्त साइजों जुलि जाबाय।

गोदान दिल्ली, 8 जानुवारि: आसामनि केबिनेट मन्थि जयन्त मल्ल बरुवाआ चन्डिगाडआव खुंजानाय बोसोरि जथुमआव एथलेटिक फेडरेसन अफ इन्डियानि लेडाइ आफादगिरि महैर सायख'जादों। बिथाडा बे जथुमआव बेरेखा बिजाथि गैयालासे सायख'जानानै फेगौ 4 बोसोरिसिमनि थाखाय गावनि मावनाय सम सिमनाखौ बांहोनो हादों। सोलिफु समाव आसाम एथलेटिक एस'सिएसननि आफादगिरि बिबानआव थानाय मल्ल बरुवानि बे सायख'जानाया एथलेटिक आरो गेलेमु



जौगानायाव बिहोमा लाबोदों। जेराव बिथानि बेबादि सायख'जानाया राङ्ग्योआवबो जौगानाय लाबोगोननि मिजिंधि लाबोदों। बे जथुमआव मन्थि मल्ल बरुवाआ गावखौ

मावनो मोनगोनखौ गोजोन्नाय फोरमायो। लोगोसे मावनाय समनि गेजेराव हानायमानि बिहोमा होलांनो नाजागोननि फोथार्यथि होदों। बे समाव मन्थि मल्ल बरुवाआ हादस्ताडैनो गेलेमुनि फोथारआव समानथायारि जौगाथाय लाबोनायनि नोजोरथिजों एथलेटिक्स फेडरेसन अफ इन्डियानि गोदानै सायख'जानाय सोद्रोमाफोरनि गेजेराव बाहादुर सिंहा आफादगिरि, सन्दिप मेहताआ नेहाथारि आरो अन्नुबबी जर्जआ सिनियर लेडाइ आफादगिरि महैर सायख'जादों।



आसाम सरकार
देहा आरो नख'र अन्साइ बिफान



माहारियारि देहा मावथांखि, आसाम

धेमाजिनि जनाइ क-डिस्ट्रिक्ट सिभिल देहा फाहामसालिखौ बेखेवनाय

बेखेवगोन

मुस्त्रि अशक सिंघाल

मन्थि, देहा आरो नख'र अन्साइ, आसाम

नुजाथिगोन

मुस्त्रि प्रदान बरुवा

एमपि, लखिमपुर

मुस्त्रि भुवन पेगु

एमएलए, जनाइ एलएसि



अक्ट: 9 जानुवारि, 2025 | जायगा: जनाइ, धेमाजि

गोनां आखुथाइफोर

बिथांखिनि बेसेन: 21 कौटि रां

1) गाहाइ बिल्डिं

(क) ग्राउन्ड फलरनि प्रभिजन:

- रिधिप्पन/रेजिस्ट्रेसन
- अपिडि-गं 12
- प्री लेबार आरो परट लेबार रुम
- डिलिभारि रुम

- इन्स्ट्रुमेन्ट स्टेरिलाइजेसन रुम

- मेटार्नल वार्ड

- प्रसिडिउर रुम (इनजेक्सन)

- 22 बिसिना एसएनसिइउ

- फार्मासि

- पेडिएट्रिक क्लिनीक

- एक्स-रे रुम

- मरुवुवारि रुम

- गं 2 लिफ्ट

- मेडिकेल स्टर

- इमार्जेन्सि अबजारभेसन

- इसिजि रुम

- इउएसजि रुम

- मुंथिसन्नाय आरो इन्कुवारि

- प्लास्टर रुम

- मवाइल एक्स-रे

(ख) गिबि फलरआव प्रभिजन:

- हौवा, आइजो आरो

- पेडिएट्रिकफोरनि थाखाय आलावा

- वार्ड (गासै 30 बिसिना)

- गं 2 अटि

- इन्टेन्सिभ केयार इउनिट

- लेबरेटरी, ब्लाड स्टर

2) रेसिडेन्सियेल एकमडेसन:

- गं 4 डक्टरफोरनि क्वार्टर

- गं 8 नार्स क्वार्टर

- गं 4 एटेन्डेन्ट क्वार्टर

3) एनसिलारि बिल्डिं:

- इन्सिनेरेटर

- इटिपि

(NHM/D/2024-25/493)